



文苑英華卷第四百三十八

翰林制詔十九

德音五

征伐德音一

伐劉闢德音

詔今作招諭  
劍南諸州詔

編制

門下朕聞皇祖玄元之誠曰兵者凶器也不得已而用之

恭惟聖謀

舊唐書  
作謨

常所祗服故雖

唐書  
作維

文誥有所不至誠

信有所未孚姑

唐書  
作始

務安人必能忍耻朕之此志亦可明

徵近者德宗皇帝舉柔遠之規授宰衡之傑

詔今  
作任

弘我廟

勝遂康巴庸故得南詔入貢西戎寢患績成始著

詔今  
作寔元

臣喪亡劉闢乘此變故坐邀符節朕以枉成

唐書作  
成狂

命者

雖乖於理禮從權便者所冀於輯寧竟違卿士之謀遂允

僥求之志朕之於關恩亦弘矣曾不知負牛羊之力飽則

逾兇畜梟獍之心馴之益悖狂惑士伍圍逼唐書無遺干紀之辜擢

隋戎臣塞絕劍路師徒所至燒掠唐書作劫詔令關之罪非朕

髮難數朕為人司牧育唐書作字彼黎元在詔令作如

敢舍是用叶群率之謀除百姓之害永清妖孽底定一方

伐罪吊民於是乎在其逆賊劉闢在身官爵並宜削除今

王師鼓行尋濟天險梓潼成守已解攻圍座外注營坐看

撲滅其西川將士如有乘此聲勢翻然改圖梟斬兇魁以

效誠節者必當特加爵秩高位重賞朕無愛焉其餘將吏

等但能去逆效順以所領歸降者超三資授官以一身降

者亦與改轉長行官健歸順者並與叙錄仍加賞給其西

川管內刺史等皆其阻亂孰克勸和雖章表未通而衷誠

可見今能歸款亦仍舊職如或乘機立效因事建功並特

加賞務極優厚夫皇王之道吊伐所加義在除殘誠非樂

戰故脅從罔理必誠於徂征焚溺是哀俾興於後怨禁暴

止亂其在茲乎况有跡陷兇徒心非黨惡歸我無路遂至

淪胥言念斯流尤深軫惻所以明諭將帥罪止渠魁其餘

涖汙一切勿問布告遐邇咸懷朕意詔令作宜悉朕懷元和三年三月

詔討鎮州王承宗德音 編制

門下天地以太和德一作煦物而高秋勵肅殺之威皇帝以

至道育人而前王設誅討之一作典於是乎有版泉之役

有舟浦之師一作情豈佳兵義存禁暴朕嗣膺寶曆於茲

卷一百一十五 陸

五年以惕厲居人上以仁恕撫于天下恭惟文祖之訓  
敢以武功為先昨者吳蜀興妖師徒獻捷朕每念陳原野  
之衆行鉄鉞之刑雖舉燹章頗有慚德蓋不獲已豈樂於  
斯王承宗頃在苦廬潛窺戎鎮而內外以事君之禮將唐書  
非作逆而必誅分土之義專則有辟朕念其先祖常有茂勲  
貸以私恩抑於公議使臣旁午以告諭孽童俯伏以陳誠  
願獻兩州期無二事朕欲收其後效用以曲全授節制於  
舊疆齒勲賢於列位况德棣本非成德所管昌朝又是承  
宗懋親俾撫近鄰斯誠厚澤外雖兩鎮中實一家而承宗  
象恭懷奸宵貌稔禍欺裴武於得位之後縲昌朝於受命  
之中豺狼之心飽之而愈發梟獍之性養之而益生唐書

加以表疏之間悖慢斯甚神祇所以一作有不捨祐天地

一以不容智士所以奮懷義夫所以興憤式遏亂畧期於

無刑龔行天罰示于有制其諸道諸軍進討兵馬已從別

敕一作處分王承宗在身官爵並宜削奪其鎮州管下一作

作將士官吏等久在戎行未知朝典或陷於邪說或迫以

兇威雖有忠誠無由自達但能效順即是王人上惟自新

一豈止當加寵渥其有能回戈殄一作寇因事立功特有

褒崇不拘資次貴爵厚祿設之而高懸實封名藩待之以

懋賞其以一州歸順者便與當州刺史仍賜賞二百戶如

先是刺史以州歸順者超三資與官仍賜實封三百戶如

以一縣歸順者超兩資與官賜實封一百戶其長行官健

歸降一作者亦當一作優厚褒賞如將校內有讎然改圖

梟斬元惡者授以不次之位寵以殊常之封王承宗如能

革心悔過束身歸朝待之如初一切不問仍賜舊官爵別

加寵授九字一作仍準於戲王者之師蓋除於暴亂止戈

之武豈願於傷殘而承宗不能負荷舊勲祇承新命自貽

其咎寧怨於天丞一作此興戎至於用鉞固非素意用歎

千懷百碎萬方宜諒朕志宣示中外咸使聞知元和四年十一月十日

日一作皆唐大詔令

討王庭湊德音一作

編制

門下雷庭雪霜上天所以成物明罰勅法聖人垂之易象

豈陽春不可以獨化將輔理二國在於威刑乎則過亂禁非

濫天齊俗諒有為而然也何則三綱五常王化之正本

善彊惡國經之大防君人者苟不提此柄以示天下是納

人於陷穽道俗於豺狼而欲家固人安上和下順猶比轆

而適楚也李同撻罪暴寰宇告之則悖寵之益凌亂君臣

父子之紀綱棄覆育生成之恩義則綏討之命蓋不得已

焉而王庭湊為一作我藩臣久膺寵命致爵位於擾救之

際齊恩澤於忠義之倫贖過圖功宜百群帥而首扇同撻

使起自墨纒黨惡之心劇於武兕負德之醜逾于一作集

獲驅忠義之旅以授兇渠率悅順之人以侵鄰壤藩方統

帥飛䟽互來朝右公卿懇章繼奏皆期鳴鼓問罪奮戈啓

行朕道希包荒志在含垢多端曲護大開坦途諭之使致

奇功告之將酌重位顯招密示抑義降心繼馳信臣累諭  
深旨而傲狼弭甚兇肆不悛歸一作惡言於布一作章資

盜糧於倭寇拘四隣忠告之使堅一境代襲之謀與逆豎

為輔車絕舊歡於姻好屢有降卒備驗奸蹤潛軍入援或

作德棣縱燎以焚瀛莫河東易定被毒騷然憲誠從諫見

侵相繼加以徭戮無辜安忍逞欲有族坑屋誅之令極削

下僭上之圖井邑御寃道路以目自頃異其迷復未議加

刑但令閉境猶希補過而乃大舉將卒期覆定州取怒人

祗迎風瓦解稔慝構亂前古罕見若尚為包容則孰分逆

順其王庭湊在身官爵並宜削奪應諸道州鎮接界處各

宜遂便攻討其鎮州將士如有梟斬王庭湊者先是六品

以下官者便授三品正員官其先是五品以上官者節級

超獎仍賜庄田各一區錢二萬貫兼授以土地及賜實封

如有能率所管兵馬以州郡來降者超三資與官仍便正

授刺史賜錢一萬貫以城鎮來降者超兩資與官仍賜錢

五千貫如先未有官者即特授三品四品官如以一身降

者亦與改轉仍賜錢帛其諸道將士有因立功能梟斬庭

湊者亦准前例處分成德一軍山東所賴扼制徑險控東

河防武俊之拯橫流承元之變舊俗言念誠節何日可忘

智知父兄見劫妻子為質愍惻之志朝夕在懷當無疑謀

自致恩外昔光武存大信而捨朱鮪魏祖推至誠而納張

綉非無故事朕不食言如庭湊自能束身歸朝並與洗雪

文苑英華 卷一百三十五

若執迷安禍罪止其身其餘脅汙一切不問縱有跡涉逆  
節事出一時劫於兇威並從寬宥四州之內如有謀為向  
順屈於垂成家族無辜殘酷所及者宜優加追贈并賜錢  
帛其有子孫得脫免委四面節度切加搜訪當議與官四  
州管内百姓久困冤害橫罹挾制念同赤子莫匪吾人諸  
軍所次不得妄加殺戮并焚焚廬舍暴掠財產及有拘繫  
以為纍囚四州百姓久廢生業如有歸投各宜存撫老幼  
丁壯量加優恤仍給與空閑田宅使之如歸事平之後願  
還本貫亦聽於戲原野陳師雖前王之不免干戈屢動諒  
非德之所興孤我宿尚良深撫然咨爾輔弼之臣暨于藩  
守群帥爾尚悉乃忠力匡予寡昧經遠猷以端理本恢上

以速戎功緝庶政以康中邦明大教以昭昧俗宣示內

外俾知朕懷太和元年九月十一日一作皆唐大詔令

破李同捷德音

編制

勅王者誅暴亂吊傷殘明賞報功拯弊緩衆蓋為邦之大  
紀也李同捷頃自先朝擅謀專土輒抗成命私行墨纒暨  
朕臨御實思含垢授之以交海諭之以詔書使臣相望兇  
志自若而更挺袂結黨劫衆阻兵毒流無辜害被闔境繇  
是藩臣潛詔今作歷懇卿士獻規至于興戈諒非得已自元戎  
環壤王旅進攻如窺危巢颺振稿葉動必乘彼詔今作於機會  
退皆扼其咽喉故蘇義啓入郟之殊庸李祐展下城之勝  
略累稔逋寇一朝削平此誠天人合符中外叶力永言勳

效無忘晤思其戴義及李祐應加爵命并幽州及齊德兩道在營立功將士各有賞賜並已從別勅處分其賜物仍委度支逐便速與支送仍命使臣分往宣諭各於當處厚加宴勞其立功軍將未經寵授者委戴義李祐即差次等第速具聞奏即有甄獎用答勲勤李同捷力屈計窮方圖轉禍朕好生存信初議貸刑而面縛在途陰懷狡計夜縱火號潛誘家僮更謀網漏自速梟獻憫彼兇魁坐沉家族顧茲貽感載軫于懷其母孫氏妻崔氏併男及家口等並宜特從寬有令於湖南管内諸州有空閑處安置其歸降將卒不涉翻覆者與戴義李祐審細勘責各與衣糧分配驅使其滄景等州將士有謀執亮黨竟遭誅夷或雖被劫致能全名節者並委李祐按實條奏量加贈錄其滄景德棣等四州百姓有是近日被賊點名圍結者並放歸營農除非同惡相濟以死拒命者餘一切不問四州百姓久陷汙俗每罹威雪莫匪吾人今既脫難當施德令並宜給復一年不能自存者量給種食其刺史縣令仍委中書門下慎擇循良俾加存撫應諸將校自經戰伐或致死亡載念捐軀良深憫歎並委戴義李祐審加勘定具名銜事跡申奏即與褒贈其長行官健陣亡者並令所在長吏量與收葬同為祭酌其有家口在者各委本軍優恤仍三年無絕糧賜其有因中矢石遂至殘廢者各委本軍厚加存養仍給衣糧終身勿絕勅旨有未該者委戴義李祐比類更作



條件奏聞其昭義義武等軍行營在賊境者比相倚角皆  
有功勤各別有處分於戲整師除害義切於安人撫俗策  
勲道存於布德爰申彝典且又新邦咨爾多士宜悉朕意

太和三年五月十三日

討鳳翔鄭注德音

編制

門下王者之御天下也推至誠以格物委大信以任人故  
能邦家用寧上下交感所以詔爵祿而不悛待臣下而無  
疑豈謂變起股肱患生毗倚寤寐興嘆難弭于懷且負德  
背恩干紀悖戾而古今未有能濟者蓋人神之所不容逆  
賊鄭注氣本兇狂志懷奸逆害時蠹政卜射張皇行詐而  
經述一作緣術多端黷貨而谿壑難滿情惟點白口可鑠金罔

冒包藏為惡滋甚朕處九重之內不得備聞擢於妄庸驟  
列華貫入司喉舌出捩爪牙惟務廢忘不思報國棄生成  
之恩義亂君臣之紀綱稔慝興祚前古未有罪同梟獍法  
在必誅况詔旨既追已離城堞一作邑險謀且敗中路遽迴  
又迤邐使人迎接逆賊李訓稽之國法豈違常刑其鄭注  
在身所有官爵並宜削奪將士如有能奮揚義勇執戮渠  
魁者先是六品已下官者便授三品正員官其先是五品  
已上官者節級超獎仍賜庄田各一區錢二萬貫如有能  
率所管兵馬以州郡來降者超三資與官便正授岳牧仍  
賜錢帛諸道將士雖各守疆土非惟進功如被侵掩因事  
立効者亦准前例節級處分賊如能知義悔過束身歸朝

文苑英華 卷一百一十五

執

並與洗雪仍加寵獎幽明可鑑朕不食言但有款誠自通  
即委諸道與奏若不能悛悞自取誅夷罪止一身其餘脅  
汗一切不問其有迫於克威曾著失節顧存家族事出權  
時待其平寧並從寬宥將士如有潛謀立功効順被其屠  
戮並優加追贈并賜錢帛仍與一子官應州縣百姓陷在  
暴害莫保性命誠可哀矜諸軍環境不得妄加殺戮并焚  
毀廬舍掠奪資產及有拘執以爲俘囚如有歸投者委諸  
道撫丁壯老弱量加優恤仍給與空閑田地便就生產事  
平之後願歸本貫者亦聽鳳翔一軍素著忠義每臨霜雪  
之際實見松筠之心凜然義風簡在朕忘其大將及軍士  
並宜坦懷自處勿以爲憂兵革既平寵待如故鄭注初到

鎮日間有優賞軍士常事不足爲疑州縣百姓亦當優給  
復勉於自效以保令圖於戲佳兵者聖祖之所戒文德者  
前哲之所崇肆予寡昧敢忘丕教然以齊四方者號令立  
人紀者君臣斯言苟違大倫安設今則絕其奔軼示以申  
嚴懷柔誠貴於止戈執惡何慙於用武布告中外咸知朕

意

一作懷

大和九年十一月二十四日

一作皆唐大詔令

文苑英華卷第四百三十八

文苑英華卷第四百三十九

翰林制詔二十

德音六

誅罪德音

破党羗

一作平 德音

門下冒法干紀豈限於華夷伐罪弔人固資於典訓朕端  
 拱御寓六年于茲兢兢業業不敢荒怠一作常恐一物失  
 所群心靡寧旰食宵衣思底于道屬者以党羗恣為侵叛  
 尤苦農商朕為人父母豈無憫惻雖傷財害物非朕躬之  
 願而禁暴定功實武經之要是以爰興師旅龔行天討而  
 兇渠稔惡稽曠歲時師宿旣勤物力將屈賴宗社儲祉中  
 外叶心大搜妖巢濫定關隴誠殫財而周力亦暫費而求

寧今則軍功已成制置將就息戈解甲固在及時縱捨一作  
捨緩刑所宜布澤南山党項為惡多年化諭不悛頗為邊  
患近興兵士經歲討除拒官軍者悉就誅擒懼法令者皆  
從逃竄大開湯網已施去殺之仁遠竝堯年寧限可封之  
屋今聞殘寇無所依歸皆是王人豈忘惻憫其南山党項  
已出山者或聞逼於饑乏猶行劫奪平夏不容無處居住  
今委李福且先遣蕃官安存招誘令就夏銀界內指一空  
閒田地居住所有從前掛涉惡跡者今一切不問唯再犯  
疆界劫一作入山林或不從指揮即召募平夏党項精銳  
者討逐議不容稔如能革心向化願同平夏即須投一作  
誠獻款跡効分明撫馭之間便同赤子如有屈事即任於

本鎮投狀論理仍各令本鎮遣了事軍將安存平夏党項  
素聞為善自旬月以來發使撫安尤見忠順一如指揮便  
不徇狂各守生業自茲必永戴恩信長被華風或聞從前  
帥臣多懷貪尅部落好馬悉被誅求無故殺傷致令怨恨  
從今已後必當精選清廉將帥撫馭羗戎明下詔條漸令  
知悉靈鹽夏州邠寧鄜坊四道官吏自用兵已來責辦公  
事亦甚辛勤軍將皆已得官文吏具名聞奏有官者與依  
資轉遷無官差攝者當與正官仍具差攝年月申奏直須  
公當不得轉授囑託如是將帥親情亦須具言四道百姓  
徵歛不時差役至多疲瘵亦甚或聞屋宇被賊焚燒至于  
桑麻亦遭砍伐生業既失須加安存宜各給優三年其有

文苑英華 卷一百一十九

勅諭

無屋可居無牛可種者委長吏量事接借一一奏聞仍須  
早設法招携令各歸復勿令豪富便占產業爲生自用兵  
已來諸道應徵發之處所有將健或没于鋒刃或存被重  
瘡一作瘡瘻雖經褒贈及曾優恤委本道更加存撫或自因廢  
疾不任在公者終身不停衣糧如情愿回與子孫兄弟甥  
姪者便與補替應討伐党項諸道在行營將士已頒賞賜  
俟一邊上制置有敘績節級放還仍委本道敘錄具名聞  
奏當奏甄獎自用兵已來京師與鄜坊邠寧兩道接界及  
當路諸縣差役繁併物力凋殘若無優矜必難存立其今  
年夏稅錢及青苗錢每貫量放三百文其斛斗糧量放一  
平仍委京兆尹差官子細磨勘其或雖在鄉村不曾經供

應者不在准例放限仍一一條件等第聞奏如是分路處  
就中更校便併者量加優恤必使均平其所放錢及斛斗  
委戶部以實錢支填仍令京兆府及下諸縣散榜鄉村要  
略曉示百姓務令知悉用兵以來城鎮曾遭陷没官健百  
姓因被殺傷親戚既無遺骸在野委所在長吏差人爲收  
拾如法埋塋仍量事致祭應有增收城鎮添置堡候一作戍  
委所在將帥擇其要害絕彼窺覷切務堅完令可固守邊  
上不許以兵器於部落傳易從前累有制勅約勒非不丁  
寧近年因循却不遵守自今已後委所在關津鎮鋪切加  
捉搦不得輒有透漏其有犯者推勘得實所在便處極法  
其所經過州縣關津鎮鋪節級痛加懲責義無容貸其間

或情涉隱欺準所犯人處分党項本是邊昨只合州縣撫  
馭致令一朝侵叛由於處理乖方既往不可加刑從今必  
行法令一作必自此之後邊上逐界皆已有制置把捉如  
或更有羗寇侵盜即是將帥依前貪求當先加罪於本界  
邊將然剪逐寇賊通商之法自古明規但使處處流行自  
然不煩饋運委邊鎮宜切招引商旅盡使如歸除禁斷兵  
器外任以他物於部落往來博易應緣徵兵處士馬皆効  
勤勞亦以各有賞賜其本道將帥當續議量加酌獎京畿  
及鄜坊靈鹽邠寧夏州并涇州鳳翔振武天德等道自用  
兵已來人頗勞苦今頒德澤湏今此恩應見禁囚徒據罪  
減一等唯官典枉法犯賊及賊中有持杖劫人故殺人等

不在此限如有積年逋賦必加徵督不得者委長吏條流  
聞奏准格律大功已上親及女婿外甥不許連任自用兵  
已來諸道節將及長吏權宜差親表主持公事兵罷之後  
理當不然其三族內親竝不得令主兵權及充要職如是  
元在本軍先充職掌者亦湏具名聞奏自用兵已來科配  
百姓事取濟辯多出權宜令既罷兵諸道節度防禦刺史  
及鎮使等不得更依前妄有科配仍令具本管侵害百姓  
湏釐革者作條件聞奏自党項擾亂以來所在多被攻劫  
白刃之下必有孝子順孫義夫節婦事跡有可稱者委所  
在長吏察訪優恤其家仍具名聞奏將加旌異於戲蠻夷  
猾夏固有用於常刑撫馭乖方遂致興於薄伐傷夷暴露

朕實愧焉是用覃恩以慰勞瘁布告中外咸使聞知主者  
施行 太中五年四月二十九日 一作皆唐大詔令

洗雪南山平夏 詔令作平夏 德音 編制

勅平夏南山雖云有異源流風俗本實不殊我國家累聖  
已來許居內地又奉聲教亦立功勞朝廷撫綏常布恩信  
近者邊陲之帥制御乖方遂有凶悍之徒不率父兄之教  
或侵暴州鎮或攻掠道途告諭悞悞猖狂頗甚朕君臨區  
寓深念黎元凡曰含主皆同赤子但欲為人除害固非黷  
武佳兵每覩殺傷深多憫惻是以去年洗 詔令作特 雪平夏驅  
除南山及聞窮困無歸復有懷來之意遂令白敏中李安  
業分統諸軍先示招携仍加訓練但知非則赦免不得已

則誅鋤王者之師義實在此近得敏中狀申南山盡願歸  
峯瀝懇輸誠惟思展効請般運糧料乞要保護封疆閱其  
奏章深愜朕意比者或有剽劫必推南山南山或有寇攘  
亦指平夏既相排斥 長終難辨明祇益仇怨今則  
竝從洗雪咸許自新 相勸勉保其生業  
絕彼侵踰從前所右 鹽州深居沙  
塞土乏農桑軍工湍 堡柵事須修  
營今委李安業 尤恐部落心  
懷疑慮委令李 人斯為極矣  
若執迷不反干 太中五年  
洗滌長庶 七月六日  
編制

門下皇王之令兇逆

存乎在宥除惡務以

之嫌用安反側時舉

亂臣賊子之輩人神

而東宮親昵之黨亦

於不義必資懲創以

知過交構流言興誣

巢穴猶存再令根尋

節而既虧於國章而

及配諸陵守當外應

戚門生故吏及此來

地之仁含育亦

疏慮與註誤

惟長慶之初

以論刑是從流竄

以取恩階君父

然非朕敢赦而曾不

蓋以從前搜捕未盡

伏其辜在臣

除竄遂退羗

內外親

降德音後一切不

司諸使更不用尋勘務從寬恕俾絕憂疑惟先推鞠

得姓名合流者雖已逃竄如獲日准前勅處分頃者屢降

明詔以順人心重此究窮蓋非獲已今則更無餘孽未

猜嫌攄憤之志既申惡之刑亦至乘春布澤大與惟新

明示中外咸知不怠者

誅逆人蘇佐明

勅蓋君天下者莫尚乎

誠而逮一作下故聖祖

易之文未有上約而下

逢內難刷君父之仇

臣群卿庶士引義

編制

追以端本推

易明訓垂簡

朕以眇薄遭

股肱之大

安以答華

中八年正月十一日

心困



夷之望俯從衆欲

宵與匪寧肝食

質庶乎俗登太

宮女四字一作  
宮人非

竝從所便不涸

十三日勅處公其

二十九萬七千五

管鄆縣漢坡鳳翔駱谷

并宜却還府縣其教坊樂人

翰林侍詔醫

一作術官并總監諸色職掌中冗員者共一

千二百七十八竝宜停廢其總監中一百二十四人先屬

諸軍竝宜各歸本司餘七百三人勒納牒身放歸本貫先

供教坊衣糧一百分廂家及諸司新加衣糧三千分竝宜

停給應緣田獵鷹鷄獸犬等竝宜解放除五坊加配諸鷹

鷄等及長慶已來每年常進外宣索者自今已後一切停

進其須備蒐狩要量留者宜准憲宗朝故事其今年新宣

附食度支衣糧小兒一百人竝宜停罷應副別詔宣索募

組彫鏤不在常貢者一切竝停度支鹽鐵戶部及州府百

姓應供宮禁年支一物已上竝准貞元中額為定度支檢

勘具元和以來加配合停色數二十日內分拆聞奏并散

下州府供司各令知悉先造供禁中床榻以金筐瑟瑟雜

寶鈿真珠碼瑙裝飾宜停造東頭御馬坊毬場宜却還左

龍武軍其殿及亭子令所司毀拆收掠餘舍竝賜龍武軍

臣脩政安人

勿則矯之以

入下其在內

又歸近親者

寺竝依今月

絲綿席草等約

東等依前戶部收

收管應行從處張設不得用花蠟結綵華飾今年已來諸

道所進音聲女兒一作各賜疋帛放歸應城外墳墓

先開斷道路以備行幸處宜令兩軍及府縣曉示百姓任

其脩塞其大逆魁首蘇佐明王加憲石定寬閭惟直及因

兇賊奸計遂與同謀人留克明田務澄許文端等汙渚無

赦梟獍與倫各已處斬竝藉沒祆一作妖妄人僧惟真正簡

道士趙歸真楊冲虛方士李元戢等竝咸假託以醫方疑

衆挾姦十一字或作假如下疑衆扶邪矯誣干禁竝從流竄以清

京師其情非姦謀一作惡跡涉誑誤者自今已後一切不問

兇徒既殄寰宇佇康載舉令猷用弘庶慎一作績於戲昔漢

文惜十家之產而天下又我太宗文皇帝勤四海之理而

帝業昌暨于列聖罔不承式而歲代滋久訛弊以生仍委

艱故未遑改作朕祇荷神器重臻大寧將至躬以立訓奚

取新而革故咨爾百辟卿士外服侯衛其諭朕志未堅乃

心無逞欲而敗度自底身于不類率是敬典用孚于休布

告中外咸使知悉開元二年六月八日一作皆舊唐書文宗紀

誅張韶德音編制詔令作

勅朕祇荷大構屬當冲眇九廟之嚴因予以輕重四海之

大由我而慘舒每懷推誠不敢自用大布利澤嘉聞讜言

庶無憊尤以享重負尚慮一作信不及物德不動天少一作

以懷宴安遽此致寇逆賊張韶蘇玄明等驅率工徒劫携

兵刃白晝竊發暴犯宮闈震驚朕躬近幸禁壘即勒五營

余生

騎士七萃熊羆少命偏師纔分左廣皆憑忠奮發賈勇爭前自申及酉撲滅皆盡斯實上玄降監宗社垂休愍予冲人俾無顛覆其兩軍立功將士已節給優賞諸將校是一作

其日部領軍士者委有司即條流甄獎具名聞奏其逆賊親屬除同居知情之外一切不得輒更追擾尚慮一作因

緣仇隙告訐平人自今日已後縱為扶一作有黨一作有所一作有小一作有

註設者一切許其自新更不須勘問於戲秦皇車碎於博

浪漢高心動於栢人或不悞而終亡或自新而流祚齊晉

多難以啓國衛邢無難而喪邦蓋緣一作謂憂勤則福興安

肆則禍稔天其意者警於予乎而今而後知玄貺可以德

歸神器難乎力恃咨爾股肱輔臣庶僚百辟洎方郡侯伯

有位之士無或棄吾一作予謂不可教其有違道傷理徇慾

懷安面刺廷攻無有隱諱成王之紹文統武帝之開高業

皆蒞祚日未一作日十享國歲深夫豈他哉蓋大臣維之而不

跌也使朕無羞於二主者繫爾多士乎布告天下咸使聞

知長慶四年四月三日一作皆唐大詔令

唐書通鑑竝作四月丙申誅張韶蓋十七日也英

華作三日未詳

文苑英華卷第四百二十九

文苑英華卷第四百四十一

翰林制詔二十一

德音七

雜德音一

貸逃背征役德音

編制

門下朕祗膺靈命君臨寓縣詔令作區宇承凋弊之餘拯橫流

之難雖復蠲除徭賦督課耕農安集黎元與之休息然而

鯨鯢未剪四海多虞師旅荐興事不獲已及其士卒浮惰

苟求逸樂憚於征役離其營伍因此逃竄潛匿崎嶇盜竊

為資規免朝夕良由勸勵不明部署失所弛慢之責在於

朕躬琴瑟不調已云變革多墜刑網情實一作兼軫悼宜從

寬宥許以自新其義士募人有背軍逃亡者自武德二年

十月二十日以前罪無輕重皆赦除之饑寒困弊不能自  
存者所在官司隨事賑給士非素厲難以應敵設法垂憲  
期於不犯自今以後有背軍鎮征役者隨即科處必無容  
貸宜明宣告咸使聞知

武德二年十月

武周餘黨詔

同前

原宥代州德音  
門下祝網泣辜章乎舊典赦過宥罪著自前經往者劉武  
周竊據邊陲擁逼良善石嶺以北皆罹其弊雖復武周奔  
竄寄命番夷而殘黨餘氛尚懷旅拒致使朔漠猶警關塞  
未寧屢動干戈又遣聲教代州總管定襄王大思勤績克  
著安輯邊境討擊未賓率其從化朕君臨天下義存撫育  
念彼凋弊若納諸隍但朔代黎元逆命日久今雖歸附仍

屢

詔令作懷

反側其代州總管府內石嶺以北自武德四年二

月二十九日以前所有愆犯罪無輕重悉從原宥可並令

安居復業勿使驚擾

武德四年二月

恤刑慶賜德音

詔令作賜孝義高年粟帛詔

同前

又見太宗實錄

門下百行之本要道唯孝一言終身恕而已矣春生夏長

寬仁

實錄作簡詔令作裕

之令行焉齊禮道德耻格之義斯在朕爰

自幼年夙稟庭訓豈徒學聞詩禮因令匡定家國

實錄作國家

是以提三尺之劍起一旅之師戮鯨鯢於原野拔

實錄作拔蒸

黎於塗炭雲雷締構備嘗夷險仁發於心義形於色大敵

必勇匪為身謀大憝必誅志安天下太上皇留情姑射尚

想軒轅駐蹕大安使朕正居紫極顧惟虛薄辭不獲免祇

奉制詔負袞當朝乃眷宮宇載懷冰谷未明求衣乙夜忘  
 寢靜思七政言念九功何以答上玄之心稱嚴君之志庶  
 欲勤恤典刑舉直措枉允釐人瘼親賢用能拯濟困窮抑  
 損澆偽開直言之路廣不諱之門聞所未聞日慎一日望  
 人皆見德變於志道若一物失所一人有惡則朕躬之責  
 實錄有訓道不明也朕聞書曰至誠感神况於兆庶乎比  
 恐字聞遠近黔黎耻為盜賊州縣囹圄多並空虛豈由德教至  
 此自是人心厭亂因其遷善可以化之朕往因征伐行天  
 下多矣每見村落丘墟未常不撫膺歎息自登九五不許  
 橫役一人唯冀遐邇休息得相存養長育詔令作幼有序敬讓  
 興行其孝義之家賜粟伍石高年八十已上粟二石九十

已上三石百歲加絹二疋婦人正月以來生男者粟一石

鰥寡孤獨不能自存逃戶物還交實錄作歲無糧貯州縣長官

量加賑恤詔令作濟諸州官人或正直庶平刑清訟息實錄作簡或

貧發貨賄害政損人宜令都督刺史以名封進白實錄作比屋

之內閭閻之人但有文武才能灼然可取或言行忠謹堪

理時務或在昏亂而肆情遇太平而克已亦錄名狀與官

人同申泣辜慎法前王所重枉繫一日事等三秋州縣法

司特宜存意普告天下知朕意焉貞觀三年四月

養老德音詔令作大上皇康復詔 同前

門下書不云乎一人有慶兆民賴之朕虔奉大安愛敬崇  
 極日嚴之養祗懼斯在近日聖躬遠豫寢膳有虧憂懼在

懷不遑寧處博求醫術備盡蠲療祈告明靈具陳懇篤上  
玄降福遂蒙昭祐應時康愈萬福咸宜喜幸之隆實兼家  
國思班愷樂洽於卿士然而尚齒崇孝德教所先饗錄是  
加義超常等諸州都督刺史及文武官人老人八十以上  
并孝子旌表門閭者並宜節級賜物以申饗宴庶使萬國  
之內同此歡心施于四海皆知朕意貞觀四年七月

優獎太原勲舊德音

詔令作高祖山陵畢賜元從功臣及百姓恩澤詔

同前

門下高祖太武皇帝天縱神武膺錄受圖可久之德格乎  
區宇敦睦九族協和萬邦賢能必進德化潛洽革百王之  
弊興三代之風天平地成邇安遠肅至德被於四海休烈

光於千載巍巍蕩蕩無待而稱焉朕嗣膺寶祚夙夜兢惕  
思述先志被之率土其內外姻戚平生故舊太原元從官  
人及歷試之所文武僚佐爰洎胥吏往雖每降國恩恐未  
周悉或才用不申階品屈滯或家道貧匱子孫淪沉須有  
矜量咸使得所先朝憂勞庶政唯以恤民為本諸州都督  
刺史政績可稱者宜以各聞奏其諸州百姓營奉山陵者  
宜量與詔令蠲免可令所司詳為條例聞奏并務從優厚  
稱朕意焉貞觀九年十一月

嗣聖德音

後編作發宣撫使勅

同前

門下昔者明王之御天下也內有公卿允釐庶績外有侯  
伯司牧群黎猶懼至道不孚淳風或替故有巡狩之典黜

陟幽明行人之官省方察俗用能遐邇咸乂一作遂性情偽無遺於變時雍率其道也朕祗膺嗣德恭守帝圖上稟過庭之謨下憑士庶之力竭精思理兩載于茲冀逮小康漸躋至化而區宇遐曠風教未周負宸長懷責深在已近者奸回構釁竊起蕭牆宗社降靈應時殲殄今又恭承聖訓總統大猷率彼百官齊茲七政恐倉廩不實禮節未興吏靡息於貪殘人或滯於幽枉末言於此明發疚懷今卜征未及時邁仍遠宜分輶軒慰撫黎庶畢構等並操履公清識具明允茂績彰於歷試嘉譽滿於周行宜膺行李載光原隰所至之處申諭朕心并令屏絕浮華敦崇仁厚務修孝悌勤事農桑耆老鰥寡征人家口不自存者咸加恤問德

舉言揚唯賢是急若有良才異等藏器下僚哲人奇士隱淪屠釣審知才行灼然者各以名聞凡百牧宰泊乎吏人咸悉朕心各敬廼事勤則不置仁遠乎哉勉矣勗之以副朕意先天二年七月

此篇四百六十一卷重出今已削去

居大明宮德音一作大明宮成 赦免囚徒等制 蘇頌

黃門朕聞養人者謂之司牧非逸於人上事天者謂之帝

皇一作王蓋御乎一作於天下故作為棟宇以避燥濕居於臺

榭以順高明斯乃奉時令布政教一作而也朕以不德祗

膺睿圖寶十家之產愛兆人之力未嘗興功於土木役思

於池籟冀之休又以致雍熙自律應長羸時方大暑導雲



屢起溫風且至伏以太上皇宴居珍一作衛滌慮清閑迹  
 不往於甘泉心每期於汾水朕侍于左右以奉晨夕助玄  
 默之化則虧於聽理當炎蒸之序又瀆以囂煩惕焉在懷  
 敢忘順色然大明創兆先聖所營即舊不加因時而往千  
 門萬戶外雖謂於別宮一日三朝中自連於複道下所以  
 寧問安之懇上所以資習靜之娛實獲我心裨康政理古  
 有服珍裘者則念人之寒居夏屋者則念人之熱况此歲  
 阻饑饉甫田不稔或愚人陷罪園土彌寬凡厥庶寮將何  
 以恤兩京及諸州宜令長官親理寬獄除犯名教及官典  
 犯贓并緣祆一作妖偽通用以外餘罪徒以下咸宜放免其有  
 茂才異等拔萃超群緣無紹介久不聞達者咸令自舉朕

親問其應宣撫咸使名聞舉人試第四等宜准舊例別  
 加優獎見任人各量與改轉前資常選人至冬依選例處  
 分其未出身者兼一作授散官先天以來軍將押衙官等  
 在陣戰亡者令本軍勘實奏聞其妄說災祥狂惑閭里并  
 令州縣長官等嚴加捉搦仍令御史金吾訪察繩糾有能  
 直言極諫補朕之闕者各封狀進朕將親覽如有可採當  
 加獎擢其皇親諸親及東宮承優任員外檢試等官近停  
 令至冬處分者有家道貧迫情願外任者亦令所司勘績  
 關量才注擬其緣坐流人處置有輕重不類者令所司勘  
 會聞奏主者施行開元二年六月八日 一作皆唐大詔令

營興慶宮德音 一作興慶宮  
成御朝德音

編制

門下朕昔在藩國此維邸第乾坤未泰陰陽尚蒙則有神  
物効靈祥符肇貺飛嘉一作佳氣於在田之際湧瑞池於或

躍之時惟此舊居式加新宇周墻僅板於百堵卑宮不堦

於三尺棟梁之用毀撤所餘聊以紀天地之休徵貽子孫

之儉約耳屬春令變一作爰始時惟發生萬國來朝千官入

賀既稱觴以獻壽宜施惠以布德况農桑在候稼穡正興

或幽被囹圄獨隔陽和之澤或迫於徭役不遂農桑之務

言及於此軫歎良深其徒已下罪且令責保其一作并應當

番兵丁匠等灼然單貧者所由勘會並放營農所在訴訟

長官隨事踈理勿使冤滯非軍國所要餘不急之務一切

並停仍加勸課循植農穡其河北水損戶既屬春事慮有

乏絕不支濟者宜委使與州縣相度量加賑恤諸處行人

之家及鰥寡惻獨不能自存者州縣長官親加優撫使得

存濟應有差科量事矜放且宜風緝化職在令長有司銓

藻之次特宜審擇其才惟德與刑為政之要頃無聞於風

化多取威於檟楚理人之道其若是乎愚昧之流或輕抵

犯宜加曉諭使識章程其含生之類不得輒有屠殺天下

捕獵亦宜禁斷仍嚴加捉搦百司各遵時令務弘寬大之

典使正理無失稱朕意焉開元十六年正月二十六日

一作皆唐大詔令

皇太子納妃德音

張九齡

勅禮有謹於初義亦重其本凡是姻媾且宜正於人倫况

在元良更將承於宗祀皇太子鴻儲副是屬仁孝自然爰  
從吉辰式備嘉禮上祀一作下繼君子重之言告言歸朕

豈無慰非獨在予之慶宜申與眾之澤應天下囚徒死罪  
特宜免死配流嶺南遠颺流罪降至徒徒已下罪並宜釋  
放其造偽頭首勾合知情受偽人等罪雖徒流仍使隸於  
百姓至彼勿許東西諸道征行人家及鰥寡憫獨委州縣  
長官檢校矜放差科使安其業中間有不支濟者量事賑  
給仍量助其營種長安萬年兩縣百姓及今月當上曠騎  
衛士雜匠掌閑幕士駕士工人樂人供膳主膳官馬主食  
弓手等並免其家今年地稅三衛細引飛騎萬騎監門長  
上及禮生有職掌者各減一年勞在京文武官九品已上

在京外官因公使及堂上在京新除五品已上外官未  
辭并致使官朝朔望者各賜勳一轉東宮官九品已上及  
諸司錄禮會祗供官等更加勳一轉五禮使兵部尚書兼  
中書令蕭嵩特封徐國公禮會使黃門侍郎同中書門下  
平章事韓休特與三品妃禮會使少府監馮紹正賜紫金  
魚袋諸副使及判官更加勳一轉禮官僉者夾侍官及孔  
目官使典主旌節等選日優與處分仗內馬家內侍省給  
使教坊音聲人緣太子禮會祗供者各賜勳一轉皇太子  
舅尚輦奉御趙迥遵特與三品仍改與三品官前右武衛  
騎曹趙迥進特與五品仍改與五品官皇太子侍讀侍書  
等各加一階皇太子諭德潘蕭特與五品太子妃兄通事

舍人薛愿特與五品仍改與五品官兄吏部常選怱特與  
五品仍與五集作品官今日應預會官等各節級給賜物  
即宜領取宴慰者所以宣其情頒賜者所以將其意公卿  
百辟庶知朕心開元二十一年五月二十一日

優恤德音

門下朕猥集休運多謝哲王而哀矜之情大小必慎自臨  
寰宇子育黎蒸未嘗行極刑起大獄上玄降鑒應以祥和  
叶平邦之典致之仁壽之域自今有犯死刑除十惡宜令  
中書門下與法官詳所犯輕重具狀奏聞崇德尚齒三代  
不易移風勸俗五教攸先其曾任五品已上清資官以理  
去職者所司具錄名奏老疾不堪羸務者與致仕祿道士

道士宜隸宗正寺僧尼令祠部檢校百司每旬休節假

並不須親識事追勝為樂以示內外知朕意焉開元二十五年正月

十七日

歲初勅分德音

張九齡

勅天地以大德育群生詔令作聖人以大寶守萬物古者

受命之君謂之承天之序明有所代夫豈徒然若道無缺

宗命不永保帝實臨汝人曷戴君朕所以每期庶乎合於

仁覆之意也夫伏羲神農黃帝堯舜或誅而不怒或教而

不誅彼亦何為獨臻於此朕自有天下二紀于茲雖未能

畫衣以禁亦未嘗刑人於市而政猶躋駁俗尚澆漓當是

為理之心未返於本耳凡人豈不仁於父母兄弟不欲於

飲食衣服乎而率彼無孝友之名不温飽之困其故何哉  
蓋未聞義方不識善道或任小智而為偽或見小利而苟  
得致遠則窮繼之以暴已而身受戮辱家不相保愚妄之  
徒類多自陷獄訟之弊恒由此作吁可悲乎亦在教之不  
明也蓋刑罰者不獲詔令已而用之天下黔黎皆朕赤子  
以誠告示其或知歸何必用威然後致理先務仁恕寧不  
懷之且五常循行豈須深識六親和睦何待丁寧自宜勉  
之以副所望刑措不用道在于茲今獻歲之吉迎氣伊始  
敬順天常無違月令所由長史可舉舊章諸有姬伏孕育  
之物蠢動生植靈一作之類慎無殺伐致令天傷九土異宜  
三農在候聚衆興役妨時害功特宜禁止以助一作春事

至若家有征鎮人或孤惻物向陽和此獨憂瘁良可憫也

亦令所由

在

作

隨事優恤蓋不體仁無以為長不知道無

以用心故道者衆妙之門而心者萬事之統得其要會義

可以兼濟於人失其指歸生不能自全於已故我玄元皇

帝著道德經五千文明乎真宗至於妙用而有位者未嘗

詔令

講習不務清淨

一作

欲令所為之政

詔令

教何從而

至于太和者耶百辟卿士各須詳讀勉存進道之誠更圖

前席之議至如計較小利綜緝煩文邀名且行去道彌遠

違天和氣生人怨心朕甚厭之所不取也各勵精一共興

玄化俾蒼生登於仁壽天下還於淳朴豈遠乎哉行之可

至其老子道德經宜令士庶家藏一本仍勸習讀使知指

要每年貢舉人量減尚書論語一兩道策准數加老子策  
俾敦崇道本附益化源朕推誠與人有此教誠必驗行事  
豈垂空言今之此勅亦宜家置一本每須三省以識朕懷

開元二十二年正月一日

文苑英華卷第四百四十

文苑英華卷第四百四十二

翰林制詔二十二

德音八

雜音德二

建中四年德音

一作建中四年伐西河  
叛帥勞慰本道百姓勅

編制

勅朕嗣守鴻緒

一作于

於

今五年承祖宗之休烈受明

靈之耿命曷嘗不損已求瘼視人如傷思省徭賦以阜

一作

康邦俗納群生於壽域躋大化於升平而德固虛薄志不

昭感叛人未附戎馬方殷在予之責鑿窳多懼自兩河背

誕兇逆相因殺害非辜盜竊城邑搖蕩我邊鄙荐食我黎

元勞我師徒費我征賦累更時歲未克底寧朕子育萬人

務康暴亂棄其細故待以初誠申之以大信示之以好惡

將冀迷乃知復困則思通亦欲先德後刑有征無戰不勞  
師旅以及和平而包藏禍心自構扇亂一作自相構侮慢朝旨

偷盜甲兵去順效逆曾無悛志謂天可罔謂責可逃緩之

則為患日深逼之則矯窮困抗挾藏姦一作詐慝詭毒萬端

陷誤忠良申雪無路朕為人父母實所痛心豈可忍此姦

回為之覆燾是以大整師旅肅將天誅載清寓縣以息黎

庶事不得已而至於斯頃以軍興飛輓相次供億之費餽

餉之勤屢擾農商或擅其利州縣征賦重及疲人朕期作

心於止戈日冀蠲復先志未就後慮繼之微責既加名目

猶廣百姓私養罔以自贍惟是夙夜不遑安寧豈不知耕

織之艱難轉輸之勞苦每一念至載深憂軫儻上玄垂鑒

烈祖降靈憑將帥之設謀股肱之戮力俾我一戎永清四

海則頒賦名目當日悉停兩稅定數亦各減放以便萬姓

咸與昭蘇各委節度觀察使及刺史縣令所在郡一作邑

明加曉諭使悉一作知予意朕鬱于大道遠邇未寧必藉作

假人力以晴多難宜宣布中外咸使聞知七月十一日

放免諸道先停放將士資糧德音編制見唐大詔令

勅興理化者務積於人長國家者以義為利故歛之欲薄

而使之以時然後億兆歡心遠邇欣戴政平俗阜必本於

茲朕服承天命撫臨區夏憂矜在慮宵旰忘勞苟可以助

化寧人便時益下事無大小皆盡其心比以中夏甫寧頗

勤經費遂收諸道停減將士糧斛用叶權宜言念疲疇重

茲供億頃雖疏理轉送猶勞睠彼東南良深矜歎夫崇儉  
可以足用節事可以豐財所當約已菲躬量宜濟務豈資  
厚取方給軍須思息遺黎俾蠲徭賦其貞元二年三年已  
前所收諸道停減放歸營農將士軍資糧斛錢米等緣送  
納向畢任依前勅收管其貞元四年已徵到及在路者即  
依前送其在百姓腹內者並宜令放免其貞元五年已畢  
每年合收一百七萬八百八十八貫石宜並放免仍委每  
道觀察使具當管每州都放錢數聞奏並各下本州曉示  
百姓令知其悉於戲人惟邦本本固邦寧百姓苟豐君孰  
不足式敷簡惠俾革煩擾庶其安逸各務農桑布告遐邇  
明知朕意

貞元四年二月

會昌元年彗星見避正殿德音 內制

門下天道運行二氣交感著明不息固有僭差苟或變見  
是爲至誠朕以寡德祖宗眷祐撫臨四海茂育群生夙夜  
祗慄思臻和洽年穀幸豐方期富庶而德有所未至信有  
所未孚妖星謫見既一作望未咸天垂常象咎徵昭然觀  
占次舍寢興愧惕雖罪已之詞常申謝譴而在予之責更  
示深衷是用側已脩身以答天意冀有感召導迎休祥自  
此未御正殿宰臣與群官有司一作群有司之官且於延英聽命  
慎刑審獄理滯申恩冀絕寃結以通和氣其天下見禁囚  
徒京城內宜委宰臣一人於尚書省詳覆如情狀寃屈疎  
理訖且錄聞奏諸州府各委長吏親自覆問不得信任官

會昌元年彗星見避正殿德音



吏令有冤誣不急之務或慮勞力且令休罷亦示一作恤

人應京城及諸州內府及公廨寺觀如非要切所有營繕

並勒權停救患備災為政之本言念黎庶彌切憂勤應今

年諸道水災蝗虫諸州縣或有存恤未及處並委所在長

吏與鹽鐵度支延院同訪問聞奏或恐明年又有水旱蝗

虫其近江州縣今正當農隙各委本道加築隄防及勸課

百姓種植五豆以備災患其常平義倉先有收貯未足處

切令校料不得信任所由欺隱未思天誠用警畋遊克已

省躬損之又損其臘日京兆府及諸司進食並宜權停於

戲謹告之徵幽微玄遠上天垂耀鑒一作誠彰明思獲銷

穰深用競勵遐思殷宗之道追脩德以勝妖緬懷宋景之賢

繫言而退舍將欲推誠以御物化災而為祥庶或感通以

遂福應宣示中外宜諒至懷主者施行十一月十五日

大和六年德音一作水災令百官早

門下朕聞王者之理天下一物失所興納隍之咎一夫不

獲歎時予之辜雖飢疫堯荒國家代有而陰陽侵沴儆戒

朕躬自諸道水旱害人疾疫相繼宵旰罪已興寢疚懷屢

降詔書俾副勤恤發廩蠲賦救患賑貧亦為至矣今長史

申奏札瘥猶甚蓋教化未感於庶蒸一作蒸人精誠未格於夫

地法令之或爽官吏之或舊唐書非百姓寢寃稅役多弊

奸賊未去農業失時有一于茲皆傷和氣並委內外文武

常叅官一一條流各具所見闡奏必當親覽無憚直言其

文苑英華卷一百四十五

諸道應有災荒處其疫死一作疾疫之家有一門盡歿者仰官

給凶具隨事瘞藏如有一家口累因疫死一半者其長吏

量事即與本戶稅錢三分中減一分死一半已上者與減

本戶稅錢一半其疫疾未定處並委長吏差官巡撫量給

藥醫詢問救療之術各加拯濟事具一作畢條流奏來其有

一家長大者皆死所餘孩稚拾貳至襁褓者不能自活必

至死傷委長吏勸其近親收養仍官中給兩月米糧一作五字

給糧亦具都數聞奏江淮諸道既有凶荒賦入上供悉多

蠲減國用常限或慮不充其度支鹽鐵戶部及百司除諸

軍衣糧布帛及宗廟祭享切急所須并常科用外所有舊

例市賣貯備雜物一事已上並仰權停待歲熟時豐別舉

處分於戲朕自臨御于今七年兢兢乾乾不敢自逸而冲

昧寡德未能燮調曠旱水災或懼於藩郡天亡疾苦或橫

一作害於生人悼于厥心省已自責其州府長吏各奉詔條

勉加拯恤凡在中外宜體朕懷主者施行五月二十八日

太和八年疾愈德音 內制

門下朕祗若天命續承睿圖正統紀以清庶方序彛倫以

貞百度慄慄寅畏于茲九年雖儉已飭躬推誠育物懼有

未至不遑晏寧屬節氣交時疾恙嬰體列聖垂佑涉旬復

初既上慶於兩宮宜覃恩於兆姓庶與寰宇同茲福祥自

太和八年二月九日昧爽已前天下應犯死罪降從流流

徒等已下罪通減一等唯官典犯賊及諸色所由破用官

徒等已下罪通減一等唯官典犯賊及諸色所由破用官

太和八年疾愈德音 內制

錢故殺十惡等罪不在此限左降官流人緣近有三字亦作宜準去年八月九日勅宜即與處分為政之要必在去煩厚下之恩莫先已責應度支戶部鹽鐵積欠錢物或因繫多年資產已盡或本身淪沒展轉難徵簿書之中虛有名數圖圖之下常積滯寃言念于斯所當矜恤其度支戶部鹽鐵應有懸欠各委本司具其可徵可放數條流聞奏不得容有姦濫在京諸司諸使食利錢其元舉人已納利計數五倍已上者本利並放其有人戶逃死攤徵保人其保人納利計兩倍已上者其本利亦並放免其納利未滿此數者待納利數足徵本停利其諸色私債止於一倍不得利上生利仍委本縣各為詳理處京邑之中本無攤醮屬真

元用兵已一作後費用積廣始定店戶等第令其納權

萬戶一作方所聚私釀至多禁令既不可施推利自無所入

徒立顆額殊非惠人其長安兩縣見徵納權錢一萬五千

一十一無此字貫八百文若先次者並放免其權酒錢起今日

已後亦宜並停比者滄寇干紀嵇誅數年諸道興師累獻

戎捷時方討叛難議釋縲免死戍邊已為一作有恩貸今滄

州一道久被朝章念其懷土之心必有向隅之歎俾之遂

性用洽優恩其諸道所送滄州將健配流及邊鎮營田役

使者共一千三百五十九人並委本道節度觀察使據見

在人放歸本管如有已效軍職及自有生業不願去者亦

任便任董昌齡自至邕州累平溪洞兵威所向首惡皆擒

然每念蒼生無非赤子况在荒徼尤當撫循其溪洞如有  
 未歸附者向後非因侵擾更不用進討仍加存撫使各懷  
 安其所獲黃洞百姓並分配側近州縣令自營生不得沒  
 為奴婢將充賞給如元是奴婢者即任充賞南海蕃舶本  
 以慕化而來固在接以恩仁使其感悅如聞比年長吏多  
 務徵求嗟怨之聲達於殊俗况朕方寶勤儉豈受一作遐  
 琛深慮遠人未安率稅猶重恩有矜恤以示綏懷其嶺南  
 福建及揚州蕃客宜委節度觀察使常加存問除舶脚收  
 市進奉外任其來往通流自為交易不得重加率稅天下  
 諸州府如有寬滯未伸宜委御史臺及出使郎官察訪聞奏  
 於戲朕百靈所祐獲遂痊和虔奉神休敢忘昭報其五岳

噴瀆天下名山大川各委所在長吏致祭仍加豐潔以副  
 精誠朕以寡德上奉丕構宗社流慶玄穹叶靈徵恙憊和  
 旋就康復渥澤恩及於人瘼儆戒先自於朕躬俾我華夷  
 共歡富壽中外臣庶宜體予懷立者施行二月九日

一作皆唐大詔令

踈理囚徒量移左降官等德音 編制

門下朕聞惟天為大唯堯則之施及文王昭事上帝朕遐  
 思古訓順考前文仰止於皇王之間規範於堯文之際始  
 如徒涉而望超溟渤中若策蹇而求躡雲霄思逮於三希  
 之則至由是力於恭已銳以濟人九載於茲一致不怠然  
 而德未甚腴信未甚孚雖懷汔可之詩敢企康哉之詠尚

賴社稷降祐祖宗垂休兵革向寧朝野斯乂自頃誕施渥澤冀獲霽流猶慮莫及昭蘇愈多乏困今則夏田豐稔倍於常時不足之憂暫免興慮又以西成未保蟲蝗是慮一作虞永惟惠卹之宜庶叶銷禳之要苟能利於百姓賴於四方可使稼穡有年邊疆無事則惟恐不及豈憚於必行是用更理闕遺載新提舉一陽斯始爰開蕩滌之恩晏陰將成式繼矜蠲之令副我誠切在邇司存應京畿及天下見禁囚徒暑毒之時要令踈理牢獄之內慮有滯寃宜令臺府及諸軍司并所在州縣長吏據見禁囚徒流限德音到後七日內親詳罪名踈理訖聞奏不得更延引時日除非巨蠹有碍去年赦條外餘並節級遞減一等從輕處分左

降官及諸色流人近雖累有赦令皆以沾恩欲其悔過自新豈恠頻施霽澤經去年赦條已得量移者更與量移合復資者准則例處分其去年十一月十日後至今年五月以前續有左降官及流人亦便與量移如今放還者所司速與處分內人久在深宮常膺役使不惟勤勞可憫固亦親愛是思宜令揀選宮人五百人放出各歸其家屬俾無離怨用叶推恩見在宮人尚令揀放諸節進奉宜有指揮應諸親及公郡主等每年端午及延慶并嬪妃生日所進人一作女口自今已後宜並停進鷹鷄之設本資畋遊朕端居穆清不好馳騁所宜改放以遂物情左右神策軍各放二十聯伍坊放三十九聯飛龍放一十九聯其左右神策

軍每年進鷹鷄放一作數內停戒春秋二社兩進九月十

五日各停進鷹二聯共停一十四聯應租庄宅使司產業

庄磴店舖所欠租斛斗草及舍課地頭等錢所由人戶貧

窮無以一作徵納年歲既遠虛繫簿書緣咸通七年赦條

不該今宜從大中三年至大中十三年已前並令放免京

兆府奏雲陽等一十二縣百姓論去年宿種麥苗下子後

旋被蝗虫食損今年盡不滋生雖京畿之間去冬蠲放不

少但以疲人墾訴須務哀矜已令府司差官巡檢如有損

處即時特與戒放令府司具合放數指實聞奏戍役辛勤

道途綿歷將還鄉土在贍供須安南邕州已奏放回北軍

其餘頓遞經過本州縣界並須如法先自備辦擬排比切

不得臨時差配百姓及借索擾人仍錄前後德音赦條於

鄉村分明榜示不得違越仍委所在長吏嚴立條置專加

覺察枷禁所施在防奸嘉舉便欠負未涉重條如開府縣

禁人或錄私債及有錮身監逐無計營生須有條流俾其

存濟自今已前應百姓舉欠人債如無物產抵當及身無

職任請受一作所在州縣及諸軍司須寬與期限切不得

禁錮校料令其失業又輒不得許利上生利及回利作本

重重徵收如有違越勘實奏聞去年德音條流事件極多

貴其普及生靈惠沾寰宇尚聞所赦令在未盡施行今重

舉明俾無留滯宜令天下長吏差清強判官專勾當切更

分明檢舉一一據事節施行訖奏聞如更因循必行朝典

其所差判官仍速具名啣分拆聞奏好生之德宜及禽魚

未不許採捕水虫禽鳥雖有舊勅一作尚恐因循宜令臺

府并諸軍司每及時禁之月更嚴提撕勿使違犯儉德之

脩聖賢所重近日俗多澆靡時尚矜誇朕常慕素風斯遵

儉制去年赦文之內已曾明有指揮所宜克副朕心用誠

奢僭東川每年進蜜浸荔枝道路遙遠勞費至多自今已

後令宜停進布告中外稱朕意焉主者施行咸通八年五月十八日

一作皆唐大詔令

疎理京城諸司及諸州軍府囚徒德音 編制

勅慎恤刑獄大易格言曰如得其情哀矜而勿喜而獄

吏苛刻務在舞文守臣因循罕聞親一作事以此械繫之

輩溢於陛罕逮一作捕之徒繁於簡牘實傷和氣用一作

致沴氛况時厲熇蒸化先茂育並赦罪戾式順生成應天

下所禁繫罪人非一作十惡五逆及故意殺人造作一作

毒藥持仗行劫開發墳墓外餘宜並疎理什放如或信任

人吏多有生情繫留續察訪得知本道觀察使判官州府

本曹官必加懲譴以誠慢易勅到十日內速疎理分折聞

奏咸通十二年五月十六日 一作皆舊唐書

文苑英華 卷一百一十五

文苑英華卷第四百四十一

翰林制詔二十三

冊文一

皇帝冊文

肅宗皇帝即位冊文

賈至

維天寶十五載歲次景申七月癸丑朔十二日一作壬子朔十三日

非甲子皇帝文粹作太上皇若曰咨爾元子其惟天為大惟人君

則之順乃德故舜禹揖讓而履皇極咈乃道故丹朱商均

不能保鴻業是以啓有惠迪而夏嗣焉隋有亂紀而唐受

焉五聖之御極文粹作寓皆以勤儉兢業日慎一日故能享祚

長久垂慶無窮泊于六業恭位四紀厭於勤倦緬慕汾陽

當保靜怡文粹作順神思我烈祖玄元之道是用命爾元子其



當位嗣統於戲爾有忠孝之誠極於君父爾有友愛之義  
信于兄弟爾有仁恕之行通於神明爾有戡難之才彰于  
兆庶予懋乃懿績文粹作德嘉乃神武天之曆數在爾躬汝惟  
推誠禍亂將翼爾而文粹無而能詔令作求清爾惟從諫社稷  
將冀爾而復寧佞言惟疵直言惟師任賢勿貳去邪勿疑  
雅非后孰去文粹作民后非賢罔與守邦欽哉慎乃有位  
無忝我祖宗之不烈矣

德宗皇帝即位冊文

王言會最

維大曆十四年歲次己未五月辛丑朔二十三日癸亥皇  
帝若曰於戲昊天有命皇王受之立嫡以賢春秋之義傳  
歸詔令作之於子漢氏成規宗廟社稷實賴其慶咨爾皇太子

遠稟天地之仁合日月之耀道光三善孝著十倫頃者國  
步多艱委以戎律理軍靖難保太定功克復帝圖廓清妖  
孽既表建侯之業俾承守噐之重仁孝之德夙夜惟寅朕  
天命有終弗興弗寤非至公無以主天下非至法詔令作德無  
以臨四海是用命汝陟于元后嗣守皇業上繼宗祧下安  
群望其令詔令作命門下侍郎同中書門下平章事常袞奉冊  
即皇帝位於戲宜遵太宗之法度肅宗之儉約任賢勿貳  
去邪勿疑與衆守邦抵敬予訓

順宗皇帝即位冊文

同前

惟真元二十一年歲次乙酉正月辛未朔二十三日癸巳  
皇帝若曰於戲天下之大實惟重噐祖宗之業允屬元良

咨爾皇太子誦睿哲溫恭寬仁慈惠文武之道稟自生知  
孝友之誠發於天性自膺上嗣毓德春闈恪慎於一作厥  
躬抵勤于大訓必能誕敷至化安勸庶邦朕寢疾彌留弗  
興弗寤是用命爾繼統俾紹前烈宜陟元后末綏兆人其  
令詔今作中書侍郎同中書門下平章事高郢奉冊即皇  
帝位爾惟奉若天道以康四海懋建皇極以熙庶功詔今作  
無忝我高祖太宗之休命詔今作烈

穆宗皇帝即位冊文

同前

維元和十五年庚子閏正月甲辰朔三日景午皇帝若曰  
於戲上天降鑒保佑于我國家十聖丕承光宅四海鴻休  
大業以逮予一人嚴恭祗畏懼弗克負荷賴宗社垂慶生  
靈乂安朕寢疾彌留弗興弗寤神器所付屬之元良以令  
咨爾皇太子恒孝友聰明溫文睿哲自主七鬯日新厥德  
必能續予勤志緩靜萬邦是用命爾陟于元后宜命中書  
侍郎平章事令狐楚奉冊即皇帝位懋建皇極無忝我祖  
宗之休烈

敬宗皇帝即位冊文

同前

維長慶四年歲次甲辰正月辛亥朔二十六日景子皇帝  
若曰惟天輔唐德我祖宗克答天意邁德勤道紹休大業  
洎予一人嗣守四海祇事天地愛育萬類罔或失墜詔今作怠  
情于今詔今作茲五年今寢疾彌留弗興弗寤詔今作不獲以  
重器付之元良咨爾皇太子湛列祖垂慶自天生德孝友

慈惠温良恭敬必能輯寧邦家輝光緒業是用命爾陟于  
元后宜令中書侍郎平章事牛僧孺奉冊即皇帝位爾有  
廣大之量可以奉天地爾有孝敬之志可以事神祇和惠  
可以撫萬邦仁愛可以親九族任賢尚德遠佞去邪爾惟  
欽承無忝我祖宗之休烈

文宗皇帝即位冊文

同前

維寶曆二年歲次景午十二月甲午朔十二日乙巳太皇  
太后若曰大行皇帝睿哲英能對天明命方夏底績夷蠻  
貢庭罔有不端大康有截宜荷九廟之重永享億年之祿  
豈虞奸妖竊發矯專神器蠱惑中外扇誘群朋駭動神人  
豐深梟鏡洛爾江王其聰姿詔令作哲孕粹清明毓和智筭機

關玄謀電發躬率義勇大清兇徒且膺當壁之符爰據  
戈之憤既殲巨害當享豐福是用命爾陟于元后宜令司  
空平章事裴度奉冊即皇帝位永惟高祖太宗之剪定隋  
亂玄宗之浸漬利澤憲宗之堅除詔令作拔蠹孽艱難險阻最  
乃負荷小心以事上帝儉德以刑家邦懋于令聞持久如  
始敬之休哉

尊號玉冊文

上應天神龍皇帝冊文

李嶠

維神龍三年歲次丁未九月景申朔五日庚子具官某及  
文武群官等謹昧死再拜稽首奉冊言爰自厥初肇興司  
牧皇矣撫極蒸哉察道莫不因時適變改物殊徽推五運

而陟崇高步三微而膺曆數天地人皇之立稱始別洪荒  
 唐虞夏帝之君尊漸詳文質姬水以推輪發號烈山以斷  
 未增名然後仁被德宣功昭業遠歷訪前古茲為舊式我大  
 唐受乾坤之睠命當寓縣之謳歌奄有黎蒸遂荒宸象應  
 天皇帝陛下垂統御辯截海披面承四業之休光握三靈  
 之寶契虞舜蒸蒸之德未錫群方周文翼翼之心其凝庶  
 績驅齊民於仁壽致雅俗於醇濃六府咸修五兵一作不  
 用航海梯山之客奉贄輸琛畊田鑿井之夫擊壤鼓腹中  
 外靜謐表裏雍熙而孽子滔天亂臣干紀謀同觸瑟禍劇  
 弄兵不虞之灾忽生于肘腋無象之鑿獨憤於神祇干時  
 凶豎逼樓聖君憑檻威靈下濟覺封豕之周惶醜逆上瞻

見神龍之傳

一作轉

翼寶仗似億千之衛天威

一作儀

成丈六

之容衆瑞俱

一作共

臨群祆大駭盡迷方而失據咸喪

一作奪

氣而亡精顧盼而斬馘舉屍指揮而冰銷霧廓雖復草為

兵甲秦師驚將帝之神樹作幡幢釋主麾

一作屈

魔王之衆

虬軀之變媧后蛟影之隨漢高未足以匹此奇徵方斯備

應自非冥符幽贊睿感潜通何以承波若之護持享高明

之福助昔者仗牛之主是曰犧皇名鳥之君仍題鳳紀法

身用馬鳴成道上士以龍德為仙敢託元符爰咨故實謹

上尊號曰應天神龍皇帝鴻猷載肇昌曆惟新庶以仰順

乾心俯從人欲天長地久更隆四大之尊名玉振舍聲恒

為百王之稱首盛矣美矣皇哉唐哉臣某等誠歡誠喜頓

首頓首死罪死罪再拜以聞

一作皆唐大詔令

開元神武皇帝冊文

蘇頌

維先天二年歲次癸丑十一月辛酉朔二十八日戊子攝

太尉臣某等文武官六千五百一十四人言臣聞厥初生

人首出庶物物不自理惟后所以康乂后不自專一作惟

人所以歸往古先哲后安人育物表功崇號不可避一作

也皇矣上帝臨于巨唐降氤氲垂耿光重熙而累盛至太

皇而授聖臣等敢稽首而言曰曩者景龍之末長蛇縱禍

陛下慮宗祏之墜提劍而夷之則因親以尊主間者朝有

賊臣天罰大敷陛下拯邦家之難援旗而勦之則措枉以

舉直戮不及嗣惡惟其魁一作思與王公卿士下逮元元

揚闔澤而育一作和氣臣又聞軒彥華胥堯期姑射未有

一其道而順大皇之心文王之事武王緝熙未有一其時

而居聖神之位褰裳釋重至公也端冕一作嚮明至孝也

使九族敦一作叙百工允鑿東西南北砥礪聲教被靈有

四招翠黃而可乘我寶有三捐珠玉而不御然猶發揮禮

樂馳驚典墳論思獻納進善從諫日慎一日上稽乎天意

下考於人謀卓哉協元符而燦靈命者也夫開者泰也罔

不通武者威也罔不服臣等不勝大願昧死上尊號曰開

元神武皇帝謹上玉冊玉璽臣等誠惶誠恐死罪死罪謹

上一作皆唐大詔令

會昌二年上尊號玉冊文

李德裕

維會昌二年歲次壬戌四月乙丑朔十四日戊寅攝太尉  
光祿大夫守司空兼門下侍郎同中書門下平章事臣德  
裕銀青光祿大夫守尚書左僕射兼門下侍郎同中書門  
下平章事臣夷行金紫光祿大夫尚書右僕射兼中書侍  
郎同中書門下平章事臣珙銀青光祿大夫守中書侍郎  
同中書門下平章事臣紳及文武百官金紫光祿大夫檢  
校司徒兼太子太保臣僧孺等六千五百七十四人言臣  
聞義皇首太古之號成湯顯甚文粹作神非武之稱我高祖皇  
王是憲尊名若古貽厥丕訓為孝孫之集無法豈不善始  
善述一作終哉矧乃巨唐受命繼體承業理運將至大君以  
興昊穹所以開至聖也向者明兩未定帝華不協含胤傳

聖深惟至公先后所以昭天命也亦猶堯發於唐侯文興

於代即神明之祚不其難哉詔令伏惟皇帝陛下清明溥

鬯光耿四海玄德真一作隣天休大賚一作日角見表氣

志如神爰初定命正心理物如辰居其集無極而天下無

邪矣由是昭德塞違尊賢遠佞禹不自滿成不敢康罔般

詔令于田不邇于色自閨壺以施王教由家道而刑國風

去比周覆名實攬權綱折聖律詔令作紀文粹作德脩舊典協成詔

誠質挖嘉壇欵太詔令一進正臣以端治表禮故老以求

讜言遠無蔽獄近無留令一作祈玄祖而膏雨降祀靈岳

而嘉穀登省刑罰而蓬宇清一作發倉廩而蝨螟息去歲

龍旂承祀大輅親郊捧玉瓚而一獻光靈來格振金石而

六變魄寶昭臨

一作靈

然猶古訓是學緝熙于道天文炳煥

雲漢其章温恭敬遜承太任之教和樂愷悌洽戚藩之心

德風偃于群黎威霆重乎絕域又以敬養不逮於長樂昭

配未昇於櫺宮每懷嗣徽蒸蒸而慕所以奉若慈訓對越

兩儀因心立志未錫其教寬底劉之罪與惻隱之仁迴霜

收電

一作迴霜

為之反汗及單于慕義景附朔邊耀德戢兵

謙臨是受至於備文物展國容莫不先甲而布其澤丁辰

而廓陰翳和景晏温即霽網緼斯所謂神祇之心應矣天

人之際交矣於是服冕之士戴鶡之倫暨藩衛

一作侯 邦伯

黃髮鮐背不謀而進曰陛下玄默天晬輝光日新大矣孝

熙四極爰臻誠宜玉版温潤鏤鴻明之德神寶焜耀荐億

萬

詔令作萬斯

之年丕天大典不可辭也陛下猶謙退固拒至

於三四群臣不已乃曰俞哉夫徧覆包含之謂仁極深研

幾之謂聖憲度著明之謂文蠻夷震懼之謂武感而遂通

之謂神無思不服之謂孝臣等不勝大願謹奉玉冊玉寶

上尊號曰仁聖文武至神大孝皇帝伏惟陛下乾健不息

謙尊而光樂戒其耽禽戒其荒壽乃侔於殷宗德

詔令乃作俗

厚於成康貽燕後昆受福無疆臣德裕等誠懼誠躍

一作懼

頓首頓首謹言

會昌五年上尊號玉冊文

前人

維會昌五年歲次乙丑正月己酉朔光祿大夫守大尉兼

門下侍郎同中書門下平章事臣德裕光祿大夫守尚書

左僕射兼門下侍郎同中書門下平章事臣  
檢校尚書右僕射兼中書侍郎同中書門下平章事臣  
讓夷朝議大夫守中書侍郎兼戶部尚書同中書門下平章  
事臣鉉及文武百官太中大夫守太常卿臣孫簡等六千  
二百二人言臣聞昔在周宣徽化內侵四牡簿伐以定王  
國焉則詩人大其功暨于漢宣北夷乖亂呼韓慕義郅支  
遠遁則簡策著其美惟此二代稱為中興間者開成之末  
星孛如雲螟飛蔽天先帝戚之黎人懼焉乃授至聖遺大  
投艱迄茲成功厥有冥數伏惟仁聖文武至神大孝皇帝  
表應龍翼位合集作粹含乾剛神全而正氣凝宇定而天光發  
智燭千里動必察微集作綴心鏡萬機物來斯應於是五材

用四維張建中和之極舉集作紹前聖之綱重樞機脩法制  
刑御家之理無出柙之言銷讒邪遠巧佞斥背公之黨退  
奸徑之人內嚴體貌增堂陛之峻外絕締交抑一作去輔車  
之勢古所謂受命於天惟順獨正也又曰一心定而萬物  
服惟陛下得之褻者北夷矜功耗蠹中國種類盤牙根柢  
封殖異術肺腑縞衣如荼挾邪作蠱浸淫宇內倒懸不解  
百有餘年既而龍祠埋威携國欵塞質帝女蹙漢集作每疆  
有狼顧平城之心鯨吞咸洛之志爰命驍集作梟將舉旗刈  
旃兵塵穹廬火烈荆榛颺蜀幙碎輶輶六羸遯逃貴女竹  
主生還剗滅妖迹勦除醜類故名王結髮冠帶八臣堅昆  
稽首鞮譯來獻而又奸臣放命二紀陸梁據大行之固下



窺洛邑通故絳之道旁睨近關樹其遺孽以竊兵柄議者  
 僉曰精甲十萬積穀十年泉魚不察湯網宜懸陛下雄斷  
 霆聲群疑冰釋揚清風以一作掃雲鼓迅雷以破山任馮  
 異則拔天井而震上黨伏吳漢則發突騎而傾一作邺鄴  
 壺關失險山東奪魄屬有戍邊叛將竊發參墟人心搖蕩  
 異議放肆陛下臨朝而言曰二寇獲罪于天予所不舍未  
 三旬而定晉陽纔斯年而城潞子不以金購絺將多降不  
 勞師克粵首馳報非至德感物孰能臻於此乎由集作是  
 台宰百辟藩屏將帥上言曰成伐東夷而肅慎來賀景剪  
 七國而王室乃安莫不始於武功終致刑措將以禋上帝  
 禱祖宗宜受鴻名以答玄貺陛下猶謙遜而五讓之集作

勤勤罔已乃屈已以俞之雲漢為章所以昭法度也神明  
 其德所以成教化也崧崧乎有功帝堯之則也勤于大道  
 玄祖之訓也臣等不勝大願謹奉玉冊玉寶上尊號曰仁  
 聖文武章天成功神德明道大孝皇帝伏惟陛下不有其  
 名以保其成不德其功以戒其盈享殷宗之福致周道之  
 平熙我王度末集作振金聲臣德裕等誠歡誠懼一作頓  
 首頓首謹言

文苑英華卷第四百四十二

文苑英華卷第四百四十三

翰林制誥二十四

冊文二

皇太子冊文

晉王為皇太子冊文

王言會最

維貞觀十七年歲次甲辰四月某朔日於戲惟爾并州都督右武侯大將軍晉王治忠肅恭懿宣慈惠和仁孝發於自然信義備於成德禎祥夙著睿哲日新永言少陽七鬯是寄疇咨朝列卿士叶從是用命爾為皇太子往欽哉爾其思王道之艱難遵聖人之炯戒勤修六德勉行三善無或舉非法度忘恭儉而好驕奢無或理乖彛倫遠忠良而近邪佞非履道無以揚名非任賢無以成德爾身為善國

家以安爾身為惡天下以殆睦九族而禮庶僚懷萬姓詔  
作而憂遐裔兢兢業業無怠無荒克念爾祖宗以寧我杜  
稷可不慎歟

冊代王為皇太子文

同前

維永徽七年歲次丁巳正月景寅朔六日辛未於戲夫明  
兩載象道貫三才元良表德業隆千古是以夏啓作貳光  
闡高猷姬誦升儲發揮王道詳求典冊式瞻七鬯固本垂  
統允推詔令正緒惟爾代王弘猗蘭毓祉喬桂凝華岐嶷  
表於天姿苻彩詔令彰於神授器業英遠風鑒昭朗踐嘉  
義而總深仁捨幼志而標成德爰資玉裕早振金聲朕虔  
奉靈圖肅詔令膺丕業仰惟七廟之隆詔令思高詔令萬

葉之慶疇咨列辟欽若前修是用命爾為皇太子往欽哉  
爾其祗奉憲章率由軌度盡謙恭於齒胄審方俗於迎郊  
春禮冬詩趨庭靡懈三善六德勗志無愆絕驕奢之心納  
忠良之訓播徽猷於外宇申敬奉於中闈允睦周親務殷  
堯族永隆四術式寧萬類無怠無荒固保我宗基可不慎  
歟

冊平王為皇太子文

同前

維唐隆元年歲次庚戌七月庚戌朔二十日己巳皇帝若  
曰天有不命集寶位于朕躬所以奉若天道建茲元嗣其  
明聽朕言咨爾平王隆基幼而聰允長而寬博有夙成之  
量焉夫禮以修外樂以修內者是務於文也春夏學干戈

秋冬學羽籥者是兼於武也繫於百姓聞於天下者是由於仁也一日三朝嘗藥視膳者是資於孝也爾有文武仁孝之德以知君臣父子之道朕甚休之間者賊臣構逆窺窬神器則我有唐之祚危若綴旒爾義刑邦家忠衛社稷誅其兇惡以之康濟主七鬯者非爾而誰是用命爾為皇太子古人有言曰爾身克正罔敢不正人心罔中惟爾之中昭昭臨下不可不畏慎簡乃僚允迪端士恭儉惟德遠於儉人則萬邦以貞庶答揚我四聖之鴻烈敬之哉

冊成王為皇太子文

同前

維乾元元年歲次戊戌十月庚子朔五日甲辰皇帝若曰於戲自昔聖王咸建儲貳蓋將嗣守神器虔奉宗祧是以

禮經著元貞之德易象載重明之義朕纘服鴻緒丕承前

烈爰升主鬯之賢寔符當璧之命咨爾太尉唐書作元帥成王

傲按新舊唐書立成王傲為皇太子會要十月五日冊命改諱務作豫蓋用新名道備文武生資

睿哲溫文彰於日就孝友稟於天成往以克醜亂華干戈

集事是能出陪戎駕入奉廟講克符卅水之師實剪綠林

之盜所謂功定社稷義臨君親今萬邦以貞三善斯屬宜

膺上嗣之典俾踐少陽之位是用命爾為皇太子以副朕

躬爾其思王業之艱難遵聖人之炯戒非尊賢無以成德

非廣孝無以承親遠斥便佞詢謀正直兢兢業業庶保于

大猷然後無忝爾祖宗克寧我邦家往欽哉丕膺景命可

不慎歟

冊廣陵王為皇太子文

同前

維貞元二十一年歲次乙酉四月庚午朔五日甲申皇帝

若曰建儲貳者必賢韓愈順宗實錄及詔令并作歸於冢於冢詔令嗣固邦本

者允屬於詔令元良咨爾元子廣陵王某幼而實錄岐

嶷長標洵淑佩詩禮之明訓稟實錄忠孝之弘規居常保

謙實錄作君惟保和動必循道識達刑政器含實錄温文愛敬奉

於君親仁德聞於兆實錄庶神祇龜筮罔不叶從是用命

爾為皇太子於戲惟我烈祖之有天下也功格于上帝祚

流于無窮光續洪緒實錄逮予十葉虔恭寅畏日慎一日

付爾以承桃之重勵爾以圭鬯之勤以貞萬國之心以揚

三善之德爾其尊師重傅親賢遠佞非禮勿踐詔令非義

勿行對越天地之耿光丕承祖宗之休烈可不慎歟

冊郢王為皇太子文

內制

維開元三年歲次乙卯正月甲申朔四日丁亥皇帝若曰

於呼書不云乎一人元良萬方以貞易不云乎黃離元吉

得中道也將以守監從撫主噐承桃執經陳東序之容端

冕見南郊之禮本枝百代宜哉福祉詔令咨爾郢王嗣謙

忠肅恭懿元亨利貞遵在鎬之惠慈稟生譙之祥應學能

知道孝乃因心書及春卿懸知詔令早秀言窮淑譽遠愧

生知當試象之年備成人之敏九玄有詔令命百姓與能

正位少陽欽惟大典是用命爾為皇太子其在靖恭爾位

聿修厥德詩書禮樂敦悅為本父子君臣威儀罔忒寢門

問豎必視寒暄望苑招賢用資端直使三靈合契四海係心延我累聖之業積爾重輝之慶必敬必戒無怠無荒徃惟欽哉可不慎歟

冊忠王為皇太子文

內制

維開元二十六年歲次戊寅七月戊寅朔二日己巳皇帝若曰於呼受天命者皇王之業大為國本者儲副之位崇所以上承宗祧下固黎獻咨爾開府儀同三司單于火都護河東河北道行軍元帥朔方軍節度大使兼關內支度營田鹽池押諸蕃部落等使上柱國忠王璿幼而夙成長有宏量佩服仁義周旋禮樂忠孝極於君親友愛聞於兄弟正以率下謙以持盈識洞於微智周於物通刑政之大

備謂令作頁

文武之殊能果於

積德樂於為善凡此數美當

誠皆能然豈矜自知

謂今作知予

之明諒曰至公之義况復仰

稽天道俯察人心立長則順天所助也議才則賢人之望也是用命爾為皇太子往欽哉爾其敬膺典冊無忘戒慎思創業之艱難謂今作多難知守器之為重作貞萬國允協重明以揚烈祖之耿光永貽後嗣之成式可不慎歟

冊遂王為皇太子文

內制一作上堂遺範

維元和七年歲次壬辰十月庚戌朔十七日壬寅皇帝若曰於呼建立儲嗣崇嚴國本所以承祧守器所以繼文統業欽若前訓時惟典常粵我祖宗克享天祿奄宅九有貽慶億齡肆予一人序承丕構績武烈祖延鴻本枝受無疆

惟休亦無疆惟恤負荷斯重祇勤若勵永懷詞訓當副君  
臨咨爾遂王恒體乾降靈襲聖生德教深溫瑟氣叶吹銅  
早集大成不肖初志溫文得於天縱孝友因於自然符彩  
昭融器業英遠爰膺錫社實寄維城懿河間之不群慕東  
平之最樂自頃離明輟耀震位虛宮地德可尊人神攸屬  
式稽令典載煥徽章是用冊爾為皇太子往欽哉有國而  
家有君而父義兼二極重擊萬邦何好非賢何惡非佞何  
行非道何敬非刑居上勿驕從諫勿喘懋昭乃德惟懷永  
圖用陪貳朕躬以對越詔令休命可不慎歟

擬冊皇太子文

劉禹錫

維某年月日皇帝若曰於賦易云明兩作離大人以繼明

照於四方蓋所以毓其明德繼于正體邦本由是固萬方  
由是寧粵祖宗之闡帝業亦莫不由此而繼于明德肆予  
一人緒承大寶慕未丕措惟有失墜以貽先帝之羞求懷  
主器以繼明用副予不德以爾元子王某襲列聖之姿體  
健行之質吹銅稟異辨日規奇早習德成克敬師保事業  
可大和順積中天縱溫文生知孝悌洎分錫土望出東平  
符彩昭彰禮樂文錯固可正位重震為天下之儲君人神  
叶從德任相稱仰稽令典光載盛儀是用冊命爾為皇太  
子往欽哉夫富貴莫大於家天下忠孝莫大於敬君親俟  
爾一人貞于萬國必咨正事必近正人必杜逸遊必樂善  
道求諫如不及惡佞如探湯懋爾厥修惟懷克和以貳于

朕躬無忝祖宗之烈可不慎歟

冊德王為皇太子文

薛廷珪

維乾寧四年歲次丁巳二月癸卯朔十七日己未皇帝若

曰粵夫立愛惟明建善惟長一作則固先王茂一作盛躅有國不

圖承桃仰鏡於前星守噐式當乎長子遐瞻載籍眇覲洪

荒雖步驟殊一作隋時質文異制逮于一作乎傳序罔不率循

國家高視百王同符三代平一區夏一作字統和人神垂三

百年歷十八葉暨朕寡昧祇荷景靈屬天步艱難岱宗牢

落蒸人未久舊典爰曠庶尹卿士藩輔元僚思正儲闈式

固鴻業咨爾長子德王裕象叶增構明啓少陽溫文在躬

睦友成性博文強識無愧於老成學禮讀書庶資乎師訓

群議爰資舊章是用命爾為皇太子嘻毓問承華重

輝望苑永貞萬國明照四方入則有師出則有保無怠三

善往崇四術務親正人誠近群邪淑慎爾德一作止峻防所

攻勉植厥猷罔墜丕訓

立秦王為太子詔

王言會最

詔曰儲貳之重式固宗祧一人元良以貞萬國天策上將

太宗實錄大尉尚書令陝東道大行臺尚書令益州道行

臺尚書令雍州牧蒲州都督領十二衛大將軍中書令上

柱國秦王某噐詔令質冲遠風猷昭茂宏圖夙詔令著美

業日隆孝惟德本周於百行仁為任重加於萬物王迹初

基經營締構戡剪多難征討不庭嘉謀獨舉長筭必克敷



政大邦宣風區奧功高四履道邁二南任總機衡庶績惟  
允職兼內外彛章載穆遐邇屬意朝野具瞻宜承鼎業允  
膺守噐可立為皇太子所司具禮以時冊命武德九年

立晉王為皇太子詔

同前

詔曰昔者哲王受圖上聖垂範建儲貳詔今以奉宗廟總  
監撫以寧邦國既義在於至公亦事兼于權道故以賢而  
立則王季興周以貴而升則文帝定漢詳諸方冊豈不然  
乎并州都督右武侯大將軍晉王治地居茂親才惟明哲  
至性仁孝淑質惠和夙著夢日之祥早流樂善之譽好禮  
無倦強學不怠今承華虛位率土繫心疇咨文武宜詔今  
所推戴古人云知子莫若父知臣莫若君朕謂此子寔允

宜立某為皇太子可令所司備禮冊命貞觀十七年四月

立代王為皇太子詔

同前

詔曰存雷揚祉承祧之道爰著重離闡耀守噐之方斯存

故能撫寧軍國守固詔命作邦家詳覽遙詔今圖緬瞻遐

冊繼業垂統咸率茲典代王弘地居嫡胤天縱英微噐質

冲華神鑒詔詔今遠恭謙表志仁孝居心夙彰睿哲之風

早通詩書禮之業朕以虛薄方啓無疆之祚未傳不朽

之基取則前王思隆正緒宜升上嗣養德東宮可以立為

皇太子仍令所司擇日備禮冊命未徵七年正月

立平王為皇太子詔

同前

門下殫去四凶而功格天地武有七德而戡定黎元故知有大勲者一有必字受神明之副詔令作福仗高義者一有必字為七鬯

之主朕恭臨寶位亭育寰區以萬姓之心為心以兆人之命為命惟一作雖承繼之道咸以冢嫡居尊而無私之懷必

推功業為首然後可保安社稷永奉宗祧第三子平王隆基孝而克忠義而能勇比以朕居藩邸虔守國彛貴戚中

人都無引接群邪害正凶黨寔繁利口巧言讒說罔極常為温孫秀一作處朋黨兢起晉卿楚客交構其間潛結回邪

擠排端善潛貯兵甲將害朕躬隆基密邇其期先難奮發挺身鞠旅眾應如歸呼吸之間凶渠殄滅安七廟於幾墮

濟群生一作群於將殞方殫之功過四比武之德逾七唐隆元年六月庚午

德望在昆弟樂推一人元良萬邦以定為君副者非此而誰可立為皇太子有司擇日備注冊命一作皆舊唐書玄宗紀

立忠王為皇太子制

孫逖

門下大寶曰位實在於詔令作呼丕承萬邦以貞由詔令作必建於

明兩朕嗣守鴻業祗嚴末苗恭惟七鬯之主豈捨人神之望開府儀同三司兼單于大都護河北河東道行軍元帥

朔方軍節度大使兼關內度支營田鹽池押諸藩部落等大使上柱國忠王璵天假聰明生知仁孝君親一致友弟

三成温文之德合於古訓敬愛之風聞於天下嘗亦視其所以察其所安考言有章詢事皆中知子者父允叶於元

良以長則順且符於舊典宜膺擇嗣之舉俾受升儲之命

可立為皇太子仍取來月內擇日冊命所司准式主者施

行開元二十六年六月三日

立陳王為皇太子制 王言會取

門下古先哲王之有天下也何嘗不正國本而承天序建

儲兩唐書作貳而主重器朕以寡昧祗荷丕圖虔恭寅畏思固

鴻業慎擇令懿曠于旬時而卿士獻謀龜筮告吉以為少

陽虛位願舉盛儀列聖垂休俾合予志詔令作俾選賢而

立式表無私敬宗皇帝第六男陳王成美天假忠孝日新

道德温文合雅謙敬和裕唐書保佑蘊端明之體度尚詩書

之辭訓言皆中禮行不違仁是可詔令無可字以順唐書考舊

章欽若成命授之七鬯以奉粢盛宜回朱邸之榮俾踐育

宮之重可立為皇太子仍唐書令所司擇日備禮冊命開元

四年十月十四日

立景王為太子制 同前

門下朕聞王者敬承廟祧鉉若天命必建元子用寧邦家

所以光叶繼明嚴當主鬯朕纂承聖緒寅奉丕圖惟懷國

本之安爰在皇儲之重青宮久曠望苑未開則何以式表

元良昭宣鴻業稽於往冊用舉彝章長男景王湛孝愛恭

和忠敬誠懿慈惠特稟寬仁夙彰言通典謨動合儀矩睦

友宗厲遵承傳導克脩令聞日茂嘉猷宜踐儲闈以承休

命朕以君尊父嚴每推乾道聞詩學禮用首人倫嘉翼翼

於誠心都詔令蒸蒸於孝敬古稱知子無議前修禪奉案  
盛式昭元嗣宜立為皇太子宜令有司擇日備禮冊命主  
者施行長慶二年十月七日

### 立鄧王為皇太子制

門下朕聞君天下者序承統業何嘗不樹建儲貳固安詔  
令作安固邦家况長子有主噐之義元良真立國之本上以嚴  
宗社之奉下以順恒久之宜歷考前載率由斯道鄧王寧  
性與忠敬生知孝友秉寬明之度體寬明之心學師訓暮  
詞尚經雅動皆中禮慮不違仁稽以舊章允膺上嗣朕獲  
纘丕緒夙夜恭虔常懼神明未歆政理多闕曠茲茂典亟  
涉歲時今屬方內甫寧品物咸遂監皇王之制詢卿士之

謀時瞻大猷莫此為重是用授之七鬯位以青宮欽惟求  
圖俾服休命宜冊為皇太子仍令有司擇日備禮冊命主  
者施行元和四年四月

### 立鄂王為皇太子制

內制

門下樹之后王所以輯寧黎獻承之副兩一作儲副所以安固  
宗祧故能崇四術之科為萬國之本長幼君臣之叙齒胄  
知歸溫文恭敬之風生人攸仰一作郡古之制也其在茲  
乎鄂王嗣謙聰睿夙成端莊特秀三雍禮樂必也生知五  
官詞藻居然暗合體道為噐非假於學問資靈授德自符  
於神解樂華禮葉地義天經立人之道既彰為子之誠亦  
一作益著今昇平在運中外咸寧將有事於元良固不踰於

樂一作善宜光近日之敏俾則前星之耀宜以來年正月

四日備禮冊為皇太子所司准式開元二年十月十七日

一作皆唐大詔令

冊皇太子制

內制

黃門朕聞王者神器天之大業震百里而崇孟侯照四方而建元子其所由來尚矣我國家參天貳地濟以豐功祖武宗文承於密命顧循菲德寅畏鴻名太上皇命朕以位卿大夫補朕之闕僉謂率先自爾稽古惟新國本之大不可以不務皇儲之重不可以不立故宵衣當宁聞義是將朝服升階一作臨軒擇賢而舉皇太子嗣謙生知禮樂性成仁孝字孫之愛則敬不絕馳問豎之安則恭而至寢觀其言精視牘思敏題鞭固以覈東序之討論契南山之調護今少陽踐位獻歲發春草樹自樂乾坤交泰副君之榜已別其宮太史之書更藏於府帝圖斯永人望所歸庶符知子之明豈獨在予之慶用施寬惠光于政理今望苑初開端僚是切天下有高才懋德碩學純儒比迹春卿齊名夏綺具以徵辟

立遂王為皇太子制

玉堂遺範

門下承廟祧之尊固邦國之本重其緒業貞以元良斯今古之通制也乃者春宮曠位已涉歲時一有將恐二字裸獻闕主鬯之儀膠庠虛齒學之道其何以億寧方夏章詔令示教源稽諸往冊用舉彝典遂王宥孝敬忠肅寬明惠和遵保

傅之言佩經訓之旨友于兄弟睦于宗親博愛而恕已以誠慎行而飭躬以禮載觀所履克茂厥猷又克慎厥謀宜升儲闈以對休命朕祗若成憲惟懷永圖法三王垂統之規紹十聖重光之烈致嚴禋配俾奉粢盛式昭上嗣之崇庶協明離之吉宜冊為皇太子改名恒仍令有司擇日備禮冊命主者施行元和七年十月

文苑英華卷第四百四十三

文苑英華卷第四百四十四

翰林制詔二十五

冊文三

諸王冊文一

封授臨川等五王詔

沈約

門下神牧帝鄉類集作神州帝城冠冕列岳渚宮樊鄧形勝是歸

居中作衛翌宣戎勲類聚作重隆茲或作名寵號定允舊章竝非

親勿居惟賢斯授西中郎將護軍宏朕之外類集作介弟早宣

亦集作富德譽董一藩政緝是嘉庸國禮家情瞻寄隆重使持

節督南徐兗二州諸軍比中郎將梁書作輔國將軍南徐州刺史

秀風穎雋邁識業標簡任居藩翰政以化成使持節都督

雍梁南北秦四州諸軍事安北將軍梁書作冠軍將軍寧蠻校尉

雍州刺史偉體韻淹穆神寓凝正經綸夷雅類集作經參

贊王業冠軍右衛將軍恢神檢外洽淵量內湛奉職鈞陳

周衛以穆使持節督荆湘益寧南北秦七州諸軍事安按

書作平西將軍荆州刺史儋秀識冲情允文允武經啓王業

寔有厥勤竝契闊綢繆分形竝氣處家盡其匪躬朕承運

迭興光宅四海藩維廣樹經朔攸屬出納之宜望實惟允

宏可使持節散騎常侍都督揚南徐州諸軍事後將軍揚

州刺史封臨川郡王秀可進號征虜將軍餘官如故封安

成郡王偉可使持節散騎常侍都督雍梁荆寧南北秦六

州郢州之境陵司州之隨郡諸軍事寧蠻校尉雍州刺史

將軍如故封建安郡王恢可侍中前將軍領石頭戍事領

兵景佐封鄱陽郡王儋可使持節都督荆湘益寧四州諸

軍事平西將軍荆州刺史封始興郡王食邑各二千戶

封衡陽郡王成義為中王等制 蘇頌

門下古者帝王受命以臨萬國子弟建封用尊五等其所

由來尚矣尚書右衛大將軍衡陽郡王成義等教詩執禮

本仁祖義名教之樂得自幾深温良之容發於忠孝晨趨

魏闕則望掩軒霞夕賦曹園則思含澄景朕祇奉歷數旁

稽載籍克輔王室所謂通邑大都俾為唐藩故能帶河礪

岳分膺往命咨爾眷歟一作不可慎歟可依前件仍各實封一千

戶餘竝如故主者施行唐隆元六月廿七日

封鄧王等制

王言會最

門下昔周室制法備建宗盟漢室垂統畢封子弟其盛也  
二南教化首在國風其詳也九國土疆載于侯表朕嗣守  
丕業惟懷遠圖未言盤石之固宜本介人之重男平原郡  
王寧等孝友忠敬溫文惠和稟其樂善之姿強於好古之  
學君親之教罔敢失墜保傳之言亦惟佩服由是寡悔至  
於通方庶可膺茲典章列是藩屏疏爵以冠于侯伯分茅  
以賜于山川用明至公且叶前訓南平郡王寧可封鄧王  
同安郡王寬可封灃王延安郡王宥可封遂王彭城郡王  
察可封深王高密郡王寰可封洋王文安郡王寮可封絳  
王第十男審可封建王宜令有司擇日備禮冊命王者施  
行元和元年八月七日

封周王詔顯慶二年二月

詔曰昔周武垂則汾邑啓維城之固漢文承統睢陽榑馨  
石之基所以作鎮邦家克隆景業早分茅土第七子顯折  
派天潢疏封日觀詔令作毓粹雲峯分輝日觀風儀秀舉神識冲和挺  
玉質而含章振金聲而發彩夙遵一作停教於詩禮方導  
一作德於間平既表支嶷之資宜申珪社之貺可封周王  
食邑一萬戶

封諸郡王勅一作封皇太子大男 同前

勅王者嗣統必上尊祖廟中立人紀下及諸孫所以光贊  
鴻猷發揮大典者也皇太子大男寧等溫敏茂淑依仁游  
藝韶亂之歲自降其心詩書之言夙盈於耳朕初建儲兩



永固宗桃既當知子之明彌稱抱孫之慰一作是用依方

建邑一作辨色籍籍一作土疏疆俾奉邦家式崇藩屏本支百代

冀邁一作於周詩子弟畢封更高隆於漢室於戲承紫

極之慶稟青宮之訓惟師友是敬惟忠孝是憑以樂善為

心好賢為德古有成範爾其欽哉

貞元二十一年四月

一作皆唐大詔令

封諸王制詔令作封

同前

門下朕獲承天序欽若前訓用建藩輔以明親賢斯古先  
哲王之令典也弟景等孝友寬厚溫文肅敬行有枝葉道  
無緇磷踐君子之中庸究賢人之義理情惟樂善志不近  
名慕間平之令德希曾閔之至行是用宜分建茅土衛我

邦家叶于展親永固盤石是用舉其成命錫其徽章弟景  
可封鄜王第九弟悅可封瓊王第十弟恂可封汙王第十  
一弟懌可封婺王第十二弟惜可封茂王第十三弟怡可  
封光王第十四弟協可封淄王第十五弟憺可封衡王第  
十六弟悅可封澶王長男湛可封鄂王第二男澹可封江  
王第五男湮可封穎王宜令有司擇日備禮冊命主者施  
行長慶元年三月

封晉王制

同前

門下昔周室之興也藩戚竝建式資於維城漢氏之制也  
皇子畢封用固於盤石斯所以載弘丕緒惟懷永圖且茂  
德於本支遂推恩於嗣息詔令無况某某字祗荷眷祐屬

當長賢宜承寵章允膺舊典長男普幼稟異質夙應嘉祥  
既表岐嶷之資日慕恭良一作日良恭非慕之性朕以寡昧虔奉

宗桃庶明父子之親以及君臣之義命以樂國錫其介珪  
用敷可久之基爰叶至公之道可封晉王宜令有司擇日

備儀一作冊命主者施行寶慶元年十一月

冊梁州都督漢王元昌文 岑文本

維真觀元年十二月己卯皇帝使某副使某持節冊命曰

於戲夫易陳利建道貫三才傳稱夾輔業隆百世是以周

之魯衛式固維城漢之梁趙克隆一作昌盤石惟爾使持節

都督梁洋集畢四州諸軍事梁州刺史漢王元昌幼聞教

義器識聰明早開土宇禮數優隆一作邊矣南郊襟帶西

冊按郡之重茂親是寄持名之譽恭月有聞是用式以

賦一作土備茲典冊爰誓山河一作藩屏朕聞曰事君盡禮

資於孝敬為政以德始於仁厚故士無貴賤由之者揚名

時無古今背之者殄行往欽哉爾其執心於忠孝踐行於

儉約無好逸豫以犯非禮無縱嗜欲以邇宵人明率舊章

永保疆土可不慎歟爾其至慎歟四十字一作爾其去奢從儉遠侯尊賢克勤匪懈垂憲乃後

可不慎歟一作初學記

冊潞州都督韓王元嘉文 前人

維貞觀十二年四月己卯皇帝使某官某持節冊命曰於

戲肇自黃唐洎乎漢晉莫不敦睦詔令穆親戚任用賢能咸

作疆土世為藩翰惟爾使持節潞沁韓澤四州諸軍事潞

州刺史韓王元嘉識量沉厚業尚脩整夙稟趨庭之訓早  
膺折桂之寵上黨奧壤地連秦晉開國之典攸居按部之  
譽允穆是用率由故實光備寵章式固維城傳之永世朕  
聞曰詩書禮樂仁義之府也孝友忠信人倫之基也是以  
河間之賢在於脩學東平之譽成於爲善往欽哉爾其覽  
載籍之旨求聖賢之訓戒茲邪僻以仁厚爲心勗彼怠荒  
以重慎爲德乃服明命詔今作明乃服命勿替敬典可不慎歟

冊遂州都督彭王元則文

前人

於乎蓋五等肇於帝軒周殷不改其制六條創於有漢魏  
晉必修其道是知選賢建戚莫先於藩衛經邦政治允資  
於刺舉惟爾使持節督遂普果合四州諸軍事遂州刺史

彭王元則幼稱岐嶷夙稟義方褰帷汝穎之地聲績可紀  
建旟巴蜀之境風俗以康是用率由令典錫茲寵命傳爾  
子孫長爲唐輔朕聞爲臣子者踐行繼於忠孝處富貴者  
貽戚在於驕奢故能播名當時垂芳後裔往欽哉爾其監  
于經籍詢于著龜見善如不及見惡如探湯無違禮以害  
身無縱欲以敗俗夙夜匪懈罔有後羞可不慎歟

冊雍州牧左武侯大將軍越王泰改封魏王文

維貞觀某年某月某日甲子皇帝曰於戲昔在哲后受命  
君臨竝建茂親以爲藩衛然則古之列國今之按部循名  
或異立政是同皆所以共治黎元俱獎王室克隆鼎祚咸  
悉由之惟爾雍州牧左武侯大將軍越王泰生而韶敏幼

而好學樂善不倦才德日新地則維城禮優分器惟彼三  
魏寔號五都非親勿居夾輔攸屬是用命爾為使持節都  
督相衛黎魏洛邢貝七州諸軍事相州刺史改封魏王傳  
之子孫長為藩翰古人有言皇天無親惟德是輔民詔令  
心無常惟惠之懷徃欽哉爾其監此詔令格言無自驕奢  
無邇邪佞競競業業以保爾茅土可不慎歟

冊洛州刺史郟王暉改封蔣王文 前人

於戲朕光膺寶圖欽若前典崇睦詔令親之義固惟城之  
業並錫之以土地授之以刺舉爰誓山河永作藩翰惟爾  
洛州刺史郟王暉幼稱岐嶷早聞詩禮式開土宇允備車  
服惟彼漢地兼舊楚作鎮之重僉議攸歸是用命爾為使

持節襄州諸軍事襄州刺史改封蔣王傳之子孫長為唐  
輔朕聞立身之基曰忠與孝為政之本曰禮與德行之則  
成名遠之則喪道詳求大訓莫此為先徃欽哉爾其祗服  
朕詔敦演詔令經典無奢侈以垂節儉無逸豫以虧謹肅  
聿修厥德垂徽於末世可不慎歟

冊岐州刺史許王元祥改封江王文 前人

於戲蓋王者受命聖人作則垂法度以經邦選賢戚以布  
政作屏王室莫先於胙土共治天下寔寄於頒詔令條惟  
爾岐州刺史許王元祥幼稟義方早有志尚地惟邢晉禮  
優河裴疑蘇奧壤舊吳是宅既建作牧必侯懿親是用命  
爾為使持節蘇州諸軍事蘇州刺史改封江王傳之子孫

世為唐輔朕聞曰孝敬忠貞人之美行也禮讓仁恕政之善經也是以奉上者戒於邪僻御下者儆於驕傲然後能保其疆土和其民人往欽哉爾其鑒持身之規求為邦之道尊五美而屏四惡近君子而遠小人祇畏兢兢無替朕訓可不慎歟

冊紀王慎為荊州都督文

上官儀

維顯慶伍年歲次庚申某月某朔某日甲子皇帝若曰於戲南紀之津上躔翼軫西浮之路旁帶巴巫信形勝之大澤是英靈之奧府恤隱之寄懿親攸屬詔令作班頌條之美良翰爰歸左衛大將軍澤州刺史上柱國紀王慎漸天潢而含潤資日觀以摘文藝重二雍道優二陝梁地挺秀燕館

寶位表銜珠入光蘭倚職華分竹出美棠陰簡惠以孚聲績斯邵是用命爾為使持節都督荆岐岳朗等四州諸軍事荊州刺史上柱國紀王勳封竝如故往欽哉夫道德齊禮允布政之化踐孝施仁誠立身之本必宜周旋勿墜雅譽彌高勉脩廼職對揚休命可不慎歟

詔冊號王鳳為青州刺史文

同前

維麟德元年歲次甲子正月己酉朔二十一日己巳皇帝若曰剪商胙邑寵秩盛於隆周懲秦錫一作啓社徽名崇於

有漢况乎爵窮五等榮總六條乃茂德之攸升固非贊之

罕一作靡擇泌州刺史上柱國號王鳳履局端嚴襟神秀整

道光懿威望重宗維恭慎之心符小言而緝譽虛凝之度

包大雅而揚聲體備剛柔藝殫文武騰芳桂嶽動貞韻而  
鏘金寫照荷池嚮清文而振玉若廼緇源廻跨岱址斜臨  
人被萊風俗兼齊舊布中和之化申簡惠之風觀政所先  
建邦斯在一作親是用命王使持節青州諸軍事青州刺史  
勲封如故往欽哉王其克邁十倫稽往贊之峻躅勤宣九  
德蹈前哲之英規絕浮競之津廣真淳之路光昭淑問可  
不慎歟 一作唐大詔令

詔冊江王元祥為鄜州刺史

前人

維麟德元年歲次甲子正月己酉朔二十二日庚午皇帝  
若曰於戲列爵開基資連屬而敷化班條馭宇籍藩衛而  
裁風是以一作知光闡帝猷發揮人極固宗慶而兼列必親

賢而竝建鄧州刺史上柱國江王元祥識尚閑備體局貞  
凝履順而居真一作自居冲輝一作偽而持待一作物梁臺既啓背  
准之裾爰萃燕館一作宮載闢發洧之駕相趨甄綜掩於河  
書精通符於沛易無道一作神遺糾察政叶寬平包吐茹之奇  
迺弦常之用乃至地隣宗翼俗備格一作於五方壤密廻一作  
寰封潤沾於九里是用命王為使持節鄜州諸軍事鄜州  
刺史勲封竝如故往欽哉懋德惟忠持盈在約思勤躬而  
景問無弛度以虧名宗簡正之規邁安常之節祗膺寵命  
可不慎歟 一作唐大詔令

詔冊周王為并州都督文

前人

維龍朔元年歲次辛酉十月癸亥朔十七日己卯皇帝若

曰夫騰華星苑崇名器於藩維憑暉日御峻寵章於侯服  
故本枝增蔚鴻緒滋繁而汾陽奧區鎮龍山而控遠冀方  
一作非腴壤接鴈塞而疏疆連率之寄親賢攸屬咨爾洛牧  
上柱國周王顯風則開秀器彩靈一作虛明識表魏州之象  
詞掩蘭臺之駕西園孤月秀心鏡而齊鳴小山叢桂偃情  
田而竝烈温恭夙邵一作邵業尚日新棣萼交芬瑾璋具美  
是用命爾為使持節都督并汾箕嵐等四州諸軍事并州  
刺史牧及勳封竝如故爾其克脩天爵事一作聿苞地義方  
資化敷大夏惠漸京陵必宜缺社鳴桴一作缺褰帷廣聽  
懋宣聲績長綏福履光膺顯命可不慎歟一作皆唐  
大詔合

冊詔殷王旭輪文

前人

維龍朔三年歲次壬戌十二月景戌朔六日辛卯皇帝若

曰於戲夫握鏡黃道經邦盛於建侯司契紫宸體國昭於

宗翰故廼作廷邳一作邳鼎之業歷峻豐社之基惟爾第四

子旭輪毓景星一作源天漢亞重離而接耀承少海而分瀾秀

質挺華一作秀芳聲金潤天人之望夙彰髻綺大雅之規

遽形襁褓幼智該於玄表潛識冠於黃中舟象垂風方慙

性與封蟻宣譽終謝生知是用命爾為王上柱國往欽哉

將用齊衡兩獻比迹二南彫藻珪璋粉澤仁義竹池逾浚

棣屏增輝一作華受茲茅土可不慎歟一作慎大詔合

詔冊殷王為單于大都督文 前人

維麟德元年歲次甲子二月己卯朔九日丁亥皇帝若曰

於戲帝子之星憑紫潯而啓耀天孫之嶽峙青路而摘光  
故慶表裁梧德成觀梓皇跼叡屏聲孚地軸之西儲秀英  
藩飈偃宸街之北冀州大都督上柱國殷王旭輪金精挺  
秀玉頽層敷姿表淹凝符詔令器彩閑雅淮南之鏡混冲昭  
於髻辰睢陽之藻齊洪輝或作耀於綺日綠車就駕朱邸洞  
開榜道招英賜田期彥蕙獵清風宣芳於大雅蓋承流日  
詔令作月澄華於高義固以聯崇躅於河楚壘茂軌於鄴郇是  
用命爾爲單于大都護大都督勳封竝如故往欽哉爾其  
緘訓趨庭競懷履薄方資威橫鴈塞惠漸龍沙光膺朝獎  
可不祗慎

冊沛王邕文

蘇頌

維景龍四年歲次庚戌五月辛亥朔二十八日戊寅應天  
神龍皇帝若曰易不云乎義崇於利建書不云乎道尚於  
敦睦故知樹藩屏者以奉先王之言強宗室者乃歸諸父  
之胤咨爾金紫光祿大夫行秘書監檢校太尉殿中監知  
隴右三使仗內諸閑廐上柱國嗣號王邕爾門膺魯拜地  
冠虞封本以忠孝仁義之規成乎宣慈惠和之業思窮占  
兩東觀漢紀沛獻王輔善京氏易求平五年少兩上以易  
林占之繇曰蟻封穴戶大兩將軍上問輔輔曰蟻穴居  
知兩將至詔  
今作沾非沛經不測其精詞高賦月陳詩莫踰其麗匪  
惟政脩中夏稱於號叔固以姻連外戚寵則吾姨遂能在  
位不驕鳴謙自牧造次何者寧忘服儒從容謂之最樂爲  
善加以望隆才位聲軼典司動則有恒靜而無撓載刊三



豕厨委於殺青爰捧六龍廐填於伏阜故可以榮絕乎四  
履位微乎九就夫陳留者徒梁之邑在浚之郊井邑遂割  
於鴻溝舳舻遠通於巨壑雖帝堯遺俗國中承重厚之風  
而王武梁王武一作也賦非舊邦天下擅膏腴之地親既賢矣我圖  
爾居是用命爾為汴王於戲爾其敏厥行祗厥典思不怠  
畏不法取則前鑒罔貽後羞行作我唐藩以惠于汴土眷  
之哉其保朕之休命

文苑英華卷第四百四十四

翰林制詔二十六

文苑英華卷第四百四十五

冊文四

諸王冊文二

冊漢中王瑀等文

賈至

見唐大詔令

惟天寶十五載歲次景申七月戊子朔皇帝若曰咨爾漢  
中王瑀裊御史中丞魏仲犀王室多難克逆未誅是用建  
爾子姪以為藩屏命爾忠良以攝傳相安危繫是舉可不  
慎歟夫王侯之體則以任能從諫為本親賢仗信為則好  
問樂善為心安仁容眾為節然後能建其功業夾輔王室  
是以漢之宗王多委政守相故能享祚長久今聞不已朕  
聞汝瑀能寬大儉約樂善好賢敦悅詩書動必由正而久

於高簡未嘗政途又聞仲犀才幹振舉憂勤庶績必能固  
爾磐石匡補闕漏軍旅之事必委其專獄訟之煩必與其  
决簡賢任能必使其舉懲惡勸善必任其斷惟協惟睦其  
政乃成同德合義何往不濟於戲瑀其鎮撫黎人莊肅守  
位仲犀其悉心戮力贊我維城瑀有任賢之名仲犀有忠  
勤之績匡復社稷戡定寇讎在此行也勗哉其無替朕命

冊魏王文

玉堂遺範

維咸通三年歲次

皇帝若

曰夫翦珪分噐事炳周經裂地䟽封道光漢冊莫不克隆  
盤石作固本枝並建親賢以崇藩翰朝有定制朕安得私  
爰稽盛時俾榮錫社咨爾長男侑通輝日月稟慶霄漢詔

黃蔭若木之凝華派璿源之積潤天姿岐嶷神侍疑聰明

早彰樂善之規夙有辨牘之知卓爾噐度藹然徽猷宜荷  
寵章以開土宇今遣使門下侍郎兼吏部尚書平章事杜  
宗副使左散騎常侍趙格等持節命詔爾為魏王於戲  
河外名都漳滏奧宅爾其竭奉上之孝敬慎臨下之儀刑  
守道宜鑒於遠名尊賢無忘於置醴用新魯衛之政以昭  
間平之德服我休命可不慎歟

冊涼王文

同前

維某年月日皇帝若曰夫維城作捍寔隆定鼎之業大牙  
列國以盛建瓴之功故廣樹戚蕃畢王子弟歷朝茂典列  
聖宏規舉而行之朕不敢廢咨爾第三男佺分暉紫極託

詔今作擬質丹宮噐度沉詳姿容端粹藹有成人之量形乎佩  
 鞞之年志翫楚詩情通沛易不勞師傅之訓動形忠孝之  
 規爰嘉令猷俾建侯社今遣使門下侍郎兼吏部尚書平  
 章事杜棕副使左散騎常侍趙格等持節冊爾為涼王爾  
 其菴長洪河大啓西土紹于前烈恢我舊疆敬慎於朱印  
 之間謹睦於玳筵之上靖恭其位克廣其心無從匪彝服  
 我休命

冊蜀王文

同前

維某年月日皇帝若曰夫堯序九族周列五等事高維翰  
或作道在睦親况居帝子之尊宜荷封王之典用彰慶羨  
 以固洪基咨爾第三男佶符彩昭融咨容朗悟騰英日域

儲秀星樞已多秤象之能纔是勝衣之歲靜不好弄言必  
 成文曾無紈綺之心每服詩書之訓嘉其幼智錫以大封  
 今遣使門下侍郎兼吏部尚書平章事杜棕副使左散騎  
 常侍趙格等持節冊爾為蜀王爾其宅于坤維建諸赤社  
 䟽以江漢鎮以岷嶓列為侯王邇我宮禁以謹恭而接下  
 秉忠孝以律身服是寵光終于戒慎

擬冊齊王文

劉禹錫 以下四篇集無

維某年月日皇帝若曰啓茲東國境于青州略嶠夷導維  
 淄鹽飾貢庭縻絲入筐粵在少昊為爽鳩之域沃若殷商  
 乃薄姑之丘周實太公之國積海岱之饒習戎革之盛因  
 俗簡禮其政易成咨爾第二子某直諒多聞溫裕有立樂

文苑英華

三

徐

於爲善力其未能行本貞廉言依忠孝固可錫茲青社俾  
藩于東是用命使某官某乙持節冊命爾爲齊王往欽哉  
宜聽朕命夫敬人可以理國然後已可以得人謂已不明  
任賢良以爲明謂已不德資師傅以爲德國安則備爾忠  
孝人散則忝爾君親慎乃厥脩無替休命

擬冊楚王文

前人

維某年月日皇帝若曰衡岳峙靈雲夢潤德錫十朋以備  
神物包三脊以供王祭淳江潛漢寔曰渚宮俗輕而佻上  
難其化咨爾第三子某正性自得懿行克脩廣淡居心寬  
裕推已移此成器綏于荆蠻錫爾赤社以屏南土是用命  
使某官某乙持節冊命爾爲楚王往欽哉宜聽朕命於戲

有政在寬革俗先信分吾之憂以惠黎庶勵爾之志以報  
君親爲子爲臣克忠克孝臻於二德在理一邦祗敬勿休  
無忝我命

擬冊邠王文

前人

維某年月日皇帝若曰朕讀詩至豳風見古公亶父之跡  
然後知王業之難仰惟我太祖太宗之櫛沐風雨以啓天  
下是用競惕若墜泉谷豳之舊地積德之餘俗厚而忠人  
悅其上王于茲土克懋賢戚咨爾第四子某質重性和神  
清氣茂威儀儼若恬淡寡言介然風規坐鎮流俗固可將  
吾勤儉宣化幽郊錫爾白社藩于西土是用命使某官某  
乙持節冊命爾爲邠王往欽哉宜聽朕命於戲播種者后

穆公劉之業善繼者古公亶父之志積德行義國人戴之  
詩有七月之章非惟王業艱難亦俗阜化成之風也爾其  
日夜思之談以溫柔之教無奪農時使獨戴周德以忝我  
一人之命

擬冊晉王文

前人

維某年月日皇帝若曰涉河之東千里而廣右浸衛水左  
據常山蒲阪唐堯所封之丘歷山虞舜隱耕之地晉陽我  
高祖誓衆之野本晉國也而謂之唐其人憂深思遠有帝  
堯之遺風焉故我國家因之以啓王業將我朝政保茲舊  
邦克建咸藩以任賢德咨爾第五男某和裕稟質端貞聖  
身撫謙似不能好善如不足行歸於厚口無擇言本不克

秉資忠體國固可嚴奉啓聖之域綏懷積德之邦錫爾黑  
社以藩于北是用命使某官某乙持節冊命爾爲晉王往  
欽哉宜聽朕命於戲踐唐堯之地理虞舜之人開高祖之  
域爾其兢兢底慎以臨其人思流愷悌之風祇敬興王之  
地無一舉足以忘我祖宗艱難之業往利厥土以孚于休

封鄂王制

蔣神 見唐大詔令

門下周家受命諸子疏封漢氏造邦二等垂制式崇藩屏  
思固本根逮于國朝必稽典憲太宗創久長之業乃建親  
賢列聖遵繼守之文廣分土宇朕獲承丕構敢廢彝章非  
唯永保於皇基蓋亦無私於天下第六男潤生而聰敏性  
則溫恭孝敬夙彰誠明日至能服詩書之教居然禮義之

姿雖在幼年動由義訓周旋知為善之樂謙和無自伐之  
心足一作是可以膺犬牙之封厚麟趾之慶授以茅社錫其

桐珪俾為成藩以輔王室爾宜繼二南之美躅習三雍之  
舊儀敬服斯言用光禮命可封鄂王令所司備禮冊命大

五年  
六月

封棣王制

沈詢

門下朕聞王者建植子弟胙以茅土將欲蕃昌盤石深固  
本根周漢之隆率由斯道及我列聖每用舊章所以撫安  
生靈保祐中外朕恭承天序敢於前規爰加立愛之恩庶  
廣推公之義憲宗第十八子惔生則溫柔性惟聰達神邁  
氣朗閣詔令禮知方蘊積中之粹和資奉上之孝敬必能

副予之詔令無友愛始終令圖以耀金枝以輔王室是命

俾開朱印盛建戚藩載啓唐虞之風用崇麟趾之慶嗚呼  
惟茲盛典用別親賢必思繼美二南紹休五等佩維城之  
重思外屏之尊無怠無荒服我不命可封棣王仍令擇日

備禮冊命大中六年十一月

冊景王文

錢珣

維年月日皇帝若曰周官八統其一親親漢制皇子為王  
得使立社於國固本之大哲后皆然咨爾第八男祕當襁

褓詔令作保抱之間有敏惠之性亦既總角遂能勝衣默識天

經潛滋日就未嘗玩物可以疏封乃告守龜且聞叶吉來  
受茲典永為東藩今遣某官某乙持節冊爾為景王嗚呼

見厥賢而能思賢爾則必賢矣知可逸而能無逸爾則常  
逸矣是宜廣王緒承丕休敬而聽之罔失厥度

冊輝王文

前人

維年月日皇帝若曰古君子篤於親者使天下興於仁也  
故二王五子之封非獨立愛而已咨爾第九男祚克岐之  
質見善欲遷稟訓導而必開故戲言而不受一隅以詔令  
達四術可陳乃申胙土之章俾奉成人之美詔令今遣某  
官某乙持節冊爾為輝王於戲為臣為子皆在爾躬有器  
有名敢私國典錫類則非孝柔可遠耻則非恭不能無替聿  
脩以光利建白茅金璽昭物具焉爾其夙夜循思用稱休

命乾寧四年十月

冊初王文

前人

維年月日皇帝若曰廟立之重天序可承將茂本枝式遵  
懸法庸就至公之體諒非吝子之心咨爾第十男祺植性  
惟貞詔令挺才亦秀飭躬罔念於純素樂善欲忘於鼓鍾  
枿壤之休自天而體臨軒之命秉禮則安今遣某官某乙  
持節冊爾為初王於戲保在深宮鮮知政詔令在一作  
之作傳我必擇人苟有如常孟之諷諭安國之輔導者爾  
當俯聽其言勤行其教使我家之訓克刑于詔令萬  
邦而固爾建社之寵不其大哉乾寧四年十月

冊雅王文

前人

維年月日皇帝若曰周王之嗣分茅土者十五國漢景之

代書簡冊者十三王朕以寡昧之資奉神靈之統每顧諸  
子實惟天休期訓導之將成諒封建而可享咨爾第十一  
男祺方當稚齒復在深宮有知憂知懼之心見聞詩聞禮  
之志詔令作學詩  
學禮之性自然而稟最樂不渝遂詔有司往申舊  
典今遣某官某乙持節冊爾為雅王於戲受冊之命重屬  
汝躬列聖在宮百辟在位在天必聽在位必觀罔怠交脩  
用承多祐光光元年  
十一月

冊瓊王文

前人

維某年月日皇帝若曰不廢懿親大封同姓吾嘗觀於經  
籍矣然而歷代賢君正名用典必擇材行使之光昭其可  
以子弟之私恩冒先王之成憲朕雖不德必慎有為咨爾  
第十二男祥於兒戲之時多幼敏之智謂之材也不曰近  
乎處昆弟之間有推讓之性言其行也不曰類乎是兀疏  
封且命申誥今遣某官某乙持節冊爾為瓊王噫作德日  
休爾則逸作偽日拙爾則勞擇利而行令名斯至

封棣王虔王沂王遂王制

陸宸

門下我國家奄宅中區光啓祖業拆珪胙土唯親與賢故  
本根茂而枝葉榮王室尊而藩屏壯肆予眇末叨獲纂承  
賴至道之玄慈鍾列聖之餘慶顧茲胤嗣實謂蕃昌爰稽  
典謨用建邦土第三男初星辰毓粹岳瀆降靈早彰岐嶷  
之姿克稟狗齊之度第五男楔龜龍應瑞鵬鸚凌空溫恭  
自得於天和穎悟實由於神賦第六男禋璆琳挺秀鸞鷟



呈祥爰當好弄之年雅號夙成之器第七男禘珠璣耀彩  
茵籥含貞風神潛茂於端莊質性已彰於惠敏而皆生知  
孝敬志樂文儒問安靡曠於晨昏稟訓每由於詩禮智有  
刻舟之妙辯多對日之奇是宜分以白茅錫其朱印叶大  
牙於漢制光麟趾於周詩厭次名邦境連於齊魯南康粵  
壤上接於荆吳琅琊廓詔令儒素之風遂寧實阜殷之俗  
咸稱重地各服徽章於戲噐以琢成道由學顯勉稟君親  
之敬承友傳之規勿追平樂之歡無好任城之勇懋建  
厥德永享于休祏可封棣王禊可封虔王禋可封沂王禘  
可封遂王仍令所司擇日備禮冊命主者施行乾寧元年十月

皇第十一男禘封雅王第十二男祥封瓊王

張文晏

門下成周之建藩翰也本以宗盟大漢之分茅社也先諸  
子弟推強幹弱枝之義遵自家刑國之文用能夾輔公朝  
尊獎王室朕上承宗廟下撫黎元固安詔令萬邦惠綏群  
品事必在於師古理寧繫於徇私爰舉舊章式為令典第  
十一男禎忠肅挺秀清明在躬孝敬本於生知端粹資乎  
神授蘊題鞭之妙思慕置醴之前規第十二男祥美秀呈  
姿溫良毓德體寬雅以情詔令性持稟恭而立身踵為善之  
懿圖繼好學之休譽咸在齧齒克守義方必當益茂清徽  
俱為令噐是用各分圭瑞並列封疆申以渥恩委之善地  
於戲當綺紈之歲膺茅土之榮鳳序聯芳犬牙錫壤爾宜

商以蒞衆儉而在公善交應徐敬師申白交脩魯衛之政  
俾成震丙之風往惟欽哉服我不訓禛可封雅王祥可封瓊

王仍令所司擇日備禮冊命主者施行光化元年十一月

皇帝第八男祕第九男祚第十男祺封王制詔令作封

景王輝王初王制

鄭璘

門下昔者明王臨御之理立德於至道茂緒於惟親朕嗣

守丕圖祇若鳴訓未嘗不稽古以建于邦家勵精以奉我

皇唐之宗祖况洎漢而還封冊之重抑有前典煥乎彝章

常知子之敢私亦內舉之良媿第八男祕粹和包美謹厚

自居踐禮樂之德文佩詩書之義府第九男祚生而向善

夙賦好謙克明教導之風蔚有端莊之質第十男祺後星

表詔令潤甲觀主祥妙彰岐嶷之姿雅得聰明之性而又

並標嘉器皆稟温文慰沃旦多寵數宜舉爰擇重地式崇

其名於戲恭乃脩持服諸訓順俾成詔令盛盤石之固允膺

典禮之榮勉樹令徽各欽休命祕可封景王祚可封輝王

祺可封祈王乾寧四年十月

文苑英華卷第四百四十五

文苑英華卷第四百四十六

翰林制詔二十七

冊文五

皇后冊文

冊皇后文

詔令作太上皇立  
皇帝妃為皇后制

內制

睿宗誥曰王者建邦設內輔之職聖人作則崇陰教之道  
式清四海以正二儀妃王氏冠蓋盛門幽閑令德藝兼圖  
史訓備公宮頃屬艱危克揚功烈聿興昌運實賴贊成正  
位六宮宜膺盛典詔令作禮可冊為皇后延和元年七月

冊淑妃王氏為皇后文

陸贄

維貞元二年某月日皇帝若曰乾坤合德聖人則之惟帝  
承天惟后配帝嗣續百代母臨萬邦位定于集作中而尊

文苑英華 卷一百一十五

加於外德修諸已而化被於集作人御於家邦所繫斯在

三代崇替靡不由之予是以詢衆採賢重難茲命中壺虛

位於詔作今歷年陰儀或虧宗事無主集作缺於典禮朕

甚愧焉稱是徽章聿歸全德咨爾淑后王氏天與淳集作

粹氣集作鍾元和含章在中發秀于外卓爾風操穆然容

輝周旋中規進退有度仁愛恭儉本於生知詩書禮樂成

自師氏竭于集作孝躬祗事先朝承訓集作無違克諧尊

肯往居桂苑淑問已彰洎奉椒塗謙光載路六宮攸叙九

族以親嘗屬艱迪集作累從行幸思賢才以輔佐知臣下

之勤勞庶績伊集作凝頗資內助永念頃筐之志且懷求

劍之情崇位長秋永懷盛典矧惟元子貞我萬邦稽以舊

章是宜從貴今遣攝太尉某官某乙持節冊命爾為皇后

嗚呼敬哉王教之端始於內範風美關雎之化雅詠思齊

之德罔懈厥位忝于前脩克念有終庶無咎悔奉承休命

可不慎歟

冊淑妃為皇后文

錢翊

維乾元五年歲次戊午四月庚子朔二十七日丙寅皇帝

若曰惟王法天惟后象地統理之道相須而成秉陽雖繫

於昭垂養物必歸於厚載惟詔令無處大倫而克正與元

化而同光上贊君臨旁資婦順遠徵百代咸本六經而禮

曠累朝位虛中壺嚴裡休惕玉璽無所進之人內令寂寥

彤管有不書之史興廢之重作配實難咨爾淑妃何氏柔

文苑英華 卷一百一十五 冊淑妃為皇后文 錢翊

既可觀儉皆中度外言罔入懿則自成處閑房而椒亦蜚

聲御詔令衆妾而木能逮下泊邦家多難輔佐克勤每見

求衣未嘗安寢先知盱食不視晨脩欲齊京室之賢罔慕

長秋之盛勞謙之報降福是宜乃顧皇儲仍因子貴公卿

來講龜筮斯從實上帝之所嘉詎朕心之可抑今遣某官

某持節冊爾為皇后於戲極位正名居尊齊禮典一申而

百神聽禮一行而萬國歡詔令懼恐詔令作誠懼可以保其名

齊莊可以守其位往司詔令陰教以求天休

冊淑妃何氏為皇后文 楊鉅

門下朕博採大易取觀詩訓觀柔剛咸感之象賦鳴鳩肅

雍之德將以視天下之內理叙人倫之大端宜于家邦厚

承風化矯九廟在上蓬豆是薦三揖在下彛章具陳得不

敬詔令乃褊褊稱茲典禮俾承光於軒耀式正位於坤儀

淑妃何氏明配圓靈德符厚載珪璋特達鸞鳳萎歲同輦

必辭脫簪能諫四德克備六宮是推述壺職以彌勤煥彤

史而斯美况惟元子既登儲貳順考古道雅協徽章受貞

吉辰藏于盛典咨爾克持婦政以率內和齊莊是儀用諧

靜德明章之道允在茲乎

公主冊文

冊信成公主文 孫逖

繼開元二十五年歲次丁丑八月癸卯十五日丁巳皇帝

若曰於戲易著于歸詩稱下嫁所以正風化厚人倫也咨

爾信公主淑慎由衷詔令明形外訓以師氏頗詳環珮

之儀修其婦功更習紘紼之藝日徵先近年及有行宜錫

徽章俾膺茂典今遣使金紫光祿大夫兵部尚書兼中書

令集賢院學士修國史上柱國晉國公李林甫副使中大

夫守中書侍郎集賢院學士徐安貞持節禮冊四字一作

為信成爾其光昭閭德弘長國風無怠厥心永綏介福可

不慎與

冊昌樂公主文

前人

維開元二十五年歲次丁丑八月癸卯朔二十九日辛未

皇帝若曰於戲好合之禮以正人倫肅雍之德用成婦道

咨爾昌樂公主生知法度性與柔和亟聞彤史之言頗識

采蘋之事素以為絢既閑於內則梅有其實式遵於下嫁

宜膺冊書之命以備車服之庸今遣使銀青光祿大夫工

部尚書牛仙客副使黃門侍郎陳希烈持節冊禮四字一作

昌作持節爾其欽崇四教承順六姻式是大邦受茲明命

可不慎歟

冊高都公主文

前人

維開元二十五年歲次丁丑九月壬申朔十一日壬午皇

帝若曰於戲古之聖人垂訓作則必正內外之位以明婚

姻之禮茲爾高都公主生於宮闕自稟幽閑之性教以師

氏更彰柔順之詔令作更則能循法度克慎言容魯館于

歸沁園將啓宜膺冊命俾叶典章今遣使工部尚書牛仙

客副使黃門侍郎陳希烈持節禮冊四字一作持節冊爾其自下于心增修厥德式瞻清懿求固恩榮可不慎歟

冊末寧公主文

前人

維開元二十六年歲次戊寅八月丁酉朔二十二日戊午

皇帝若曰於戲人倫式叙以正國風女子有行將成婦道

咨爾末寧公主自幼及長終溫且惠引圖史為鏡鑑用柔

和為粉澤許嫁而笄既遵於彝詔令作禮典備物之冊宜承於

寵命今遣使金紫光祿大夫兵部尚書兼中書令李林甫

副使上柱國徐安貞持節禮冊四字一作持節冊爾為末寧公主爾其謙

恭自下淑慎為先無忝公宮之教末貽邦媛之則可不慎

歟

冊臨晉公主文

內制

維開元二十六年歲次戊寅閏八月丁卯朔十六日壬午

皇帝若曰於戲古之帝女下嫁諸侯以正婚姻之大詔令作懿

綱昭肅雍之令德咨爾臨晉公主蹈和成性體順為心頗

協生知之敏更承師氏之訓柔明益著淑慎攸彰兼四教

而不違勤六行而無斁近日云吉嘉禮有期宜穆彝章載

光冊命令遣使侍中函國公牛仙客副使黃門侍郎陳希

烈持節禮冊爾其克遵法度用廣徽猷發明閭德垂範于

後可不慎歟此篇英華題作公主出降制誤入封制中

冊嘉誠公主文

陸贄

維貞元元年歲次乙丑六月甲子朔十三日丙子皇帝若

曰王者以義睦宗親以禮敦風化義之深實先於友愛禮之重莫大於婚姻故春秋書築館之儀易象著歸妹之吉

予是用祗考令典詔令作率由舊章二句集作追考咨爾

嘉誠長公主孝友柔謙外和內睦集作內公宮稟訓四實

集作備修孝友至備修十六字詔令作特稟生知重承先德訓行必中則意不違仁柔謙惠和孝友純懿嘉

乃全德時惟成人疏邑啓封命公為主徽章所被詔令作禮實宜

之今遣使光祿大夫檢校司徒同中書門下平章事沂國

公勉持節冊命四字一作持節冊爾往欽哉詔令作嗚呼下

嫁諸侯諒為古制肅雍之德見美詩人和可以克家故可

以行已奉若茲道永孚于休懋敦王風勿墜先訓詔令作

問無替光膺盛典詔令作可不慎歟

擬公主冊文 劉禹錫集

維其年月日皇帝若曰桃李發詠雲日連輝禮秩克柔肅

雍載美築館大國建號名邦乃躅通規用光懿範咨爾長

女金枝寵慶玉質輝奇蘊異體和含章挺秀柔順懿德幽

閑可貞已及初笄言從下嫁主之以同姓叔父配之以貴

族聞人式遵舊儀錫是土宇是用命使某官某持節冊命

爾為某公主於戲何彼穠矣詩之國風蓋美王姬能成婦

道爾其克念以敬所從無忝我之休命不其猗歟

冊益昌公主文 薛廷珪

維乾寧元年歲次甲寅十月庚申朔十四日甲子通鑑作

十四日癸皇帝若曰粵昔漢頒魯風魏錫常山繇鍾愛以

郊當考



分封亦旌賢而別壤前王茂典歷代成規朕命嗣守不敢  
失墜咨爾第七女蘭芷詔令作直芳猷肅雍懿範坤順之性體  
於自然天倪之資稟于陰教不明爾德孰慰我心爰稽舊  
章俾率彝訓乃疏湯邑仍錫粉田所以示鳴鳩均養之仁  
樂螽斯宜爾之慶夙興夜寐無忘女史之箴下氣怡聲勉  
習家人之禮女儀婦道可不慎與

公主制

封皇第二女常芬公主等制

蘇頌

黃門諸女皆封先王之制第二女等慶聯霄漢體自穠華  
常閱禮於后庭必聞詩於師氏朕撫臨億兆憲章古昔俾  
裂河山之賦用疇湯沐之恩可依前件主者施行開元三年十二月

封高都公主等制

孫逖

門下肅雍之範以成女德湯沐之賜爰若國章第十一女  
等生於公宮訓以師氏溫惠之性頗有天姿圖史之學仍  
聞日就初笄甫及外館將歸詔令作因司待禮之期式備疏封  
之典可依前件仍各實封一千戶主者施行

封末寧公主制

前人

門下自昔帝女必建封邑典章不易等數猶存第十七女  
幼而閑和長實徽懿引圖史以自鑒用肅雍而成德詔令作  
將擇近日言遵下嫁宜承湯沐之賜以備車服之庸可封  
末寧公主邑詔令作食實封一千戶主者施行開元二年

封平昌公主制

前人

門下詩美肅雍遠著於風雅禮有封建久存於簡策第十  
九女尚柔成德克順由秉稟於天然自有閑和之性訓以  
師氏備詳圖史之學宜開湯沐俾叶典章可封平昌公主  
食邑一千戶主者施行

封永昌公主制

制集

門下普寧公主天泉浴詔令作滋德崇蘭發彩纂組之華每工

於經目保阿之訓深得於雅言詔令作雅禮必叶中言無出闈

詔令作容禮必叶言行無問從容玲瓏之韻婉婉柔嘉之儀而疏封舊

邦禮宜改避是擇美邑再申異恩可改封永昌公主主者

施行

第七女封公主制

元稹見集本

門下長女等抱子弄孫之榮貴賤之大情也朕以四海奉  
皇太后於南宮問安之時諸女侍側螽斯之慶上慰慈顏  
鳴鳩之仁內懷均養雖穠華向少出閣未期而湯沐先施  
分封有據宜加美號以表令儀可依前件主者施行

第十二妹等四人各封長公主制

白居易見詔令集無

勅古者帝子下嫁必使王公主焉近代或有未笄年而賜  
湯沐者亦加公主之號以寵重之第十二妹等先皇帝之  
子也比朕之子宜加等焉故當幼年各封善地咸命為長  
公主未及釐降先開邑封所以慰太后慈念之心表先帝  
肅雍之訓亦欲使吾孝理之道敦睦之風自骨肉間以及

天下可依前件

封大和長公主制

前人

勅公主之封號也或以善地或以嘉名立愛展親茲惟舊  
典第四妹端明成性和順稟教靜無違禮故組紉有常訓  
動必中節故環珮有常聲歲茂穠華日新淑問乃眷肅雍  
之德俾開湯沐之封可依前件

集作可封某公主  
長慶元年三月

封盛唐公主制

蔣伸

門下展親外館則必待年廣愛中闈宜光啓邑第七女祥  
開銀漢秀發金枝孝敬生知柔閑早稟克奉姆師之訓每  
遵詩禮之文法度自持穠華益茂爰申彝典載錫嘉名俾  
素湯沐之封式示邦家之慶可封盛唐公主備禮冊命

此為文苑誤入冊文中令移于後

六苑英華  
一八四四卷

六苑英華



